

經

佛說樓炭經
佛般泥洹經
佛說人本欲生經


佛說梵網六十二見經
佛說尸迦羅越六方禮經

福

C40
4514
80



789101234567892012345678930123456



東京大学総合図書館所蔵

C40-4514



B 64853

889101234567892012345678930123456

皇圖鞏固 帝衛遐昌
佛日增輝 澄輪常轉



佛說樓炭經品目

卷一

高浮利品第一

鬱單越品第二

轉輪王品第三

卷二

泥犁品第四

阿須倫品第五

龍鳥品第六

卷三

高善士品第七

四天王品第八

卷四

忉利天品第九

卷五

戰鬪品第十

三小劫品第十一

災變品第十二

卷六

天地成壞品第十三

目錄

佛說樓炭經卷第一
西晉三藏法師法立共法炬譯
闍浮利品第一

聞如是一時佛遊於舍衛祇樹給孤獨園與大比丘衆千二百五十人俱爾時衆比丘飯已後會於講堂共說天地之事佛遙聞之出就堂坐問諸比丘屬何所議諸比丘言心有所疑今此天地云何而成至其然後云何破壞唯議此事願佛解說佛告諸比丘汝欲聞者諦聽受之諸比丘言唯然受教佛言如一日月旋照四天下時爾所四千天下世界有千日月千

須彌山王有四千天下四千大海水四千大龍宮四
千大金翅鳥四千惡道四千大惡道七千種種大樹
八千種種大山萬種種大泥犁是名爲一小千世界
如一小千世界爾所小千千世界是名爲中千世界
爾所中千千世界是名爲三千大千世界悉燒成敗
是爲一佛刹佛告比丘是地深六百八十萬俞旬其
邊無限其地立水上其水深四百六十萬俞旬其邊
際無有限其風持水其風深二百三十萬俞旬其邊
際無限其海深八百四十萬俞旬其邊際無崖底須
彌山王入大海水八萬四千俞旬高亦八萬四千俞

旬下狹上稍稍廣上正平種種含生類在上止悉滿
無空缺處諸神亦在上止諸尊復尊天神悉在上居
止忉利天宮在須彌山上過忉利天上有餒摩天過
餒摩天有兜術天過兜術天上有尼摩天過尼摩天
上有波羅尼蜜和耶越致天過是上天有梵迦夷天
過是天上有魔天其宮廣長二十四萬里宮壁七重
七重欄楯七重交露七重行樹七重周帀皆以七寶
綵畫妙好金銀水精瑠璃瑪瑙赤真珠碑磲金壁銀
門銀壁金門瑠璃壁水精門水精壁瑠璃門赤真珠
壁瑪瑙門瑪瑙壁赤真珠門碑磲壁一切衆寶門綵

98901234567892012345678930123456789

畫妙好皆以七寶作之金欄楯金柱狀銀桃銀欄楯
銀柱狀金桃瑠璃欄楯瑠璃柱狀水精桃水精欄楯
水精柱狀瑠璃桃赤真珠欄楯赤真珠柱狀瑪瑙桃
瑪瑙欄楯瑪瑙柱狀赤真珠桃碑碣欄楯碑碣柱狀
一切妙寶桃金交露者銀垂銀交露者金垂瑠璃交
露者水精垂水精交露者瑠璃垂赤真珠交露者瑪
瑙垂瑪瑙交露者赤真珠垂碑碣交露者一切寶垂
金樹金根金莖銀枝葉華實銀樹銀根銀莖金枝葉
華實瑠璃樹瑠璃根瑠璃莖水精枝葉華實水精樹
水精根水精莖瑠璃枝葉華實赤真珠樹赤真珠根

莖瑪瑙枝葉華實瑪瑙樹者瑪瑙根莖赤真珠枝葉
華實碑碣樹者碑碣根莖一切寶枝葉華實綵畫殊
好皆以七寶金銀瑠璃水精赤真珠碑碣瑪瑙其門
上有曲廂蓋欄楯上有交露樓觀下有園廬舍宅浴
池生種種華樹種種葉種種華種種寶出種種香種
種飛鳥各各悲鳴過魔天上有梵迦夷天過梵迦夷
天上有阿衛貨羅天過是上有首皮斤天過是上有
比呼破天過是上有無人想天過是上有阿卑和天
過是上有阿答和天過是上有須曉旃天過是上有
須陀尸天過是上有阿迦尼吒天過是上有天名阿

竭禪天過是上有天名識知過是上有天名阿因過
是上有天名無有思想亦不無想乃至其上有人生
老病死往還不復過其上數佛言比丘須彌山王以
四寶琉璃水精金銀作成之須彌山北有天下名
單越廣長各四十萬里正四方須彌山王東有天下
名弗于逮廣長各三十六萬里周市正圓須彌山王
西有天下名俱耶尼廣長各三十二萬里如半月形
須彌山王南有天下名闍浮利廣長各二十八萬里
南廣北狹須彌山王北脅天金照北方天下須彌山
王東脅天銀照東方天下須彌山王西脅天水精照

西方天下須彌山王南脅天琉璃照南方天下北方
天下有樹名銀莖圍二百八十里高四千里枝葉分
布二千里東方天下有大樹名條莖圍二百八十里
高四千里枝葉分布二千里俱耶尼天下有樹名斤
莖圍二百八十里高四千里枝葉分布二千里其樹
上有石牛高四十里闍浮利天下有大樹名闍浮高
四千里莖圍二百八十里枝葉分布二千里金翅鳥
王及龍有樹名駒利睂高四千里莖圍二百八十里
枝葉分布二千里阿須倫有大樹名善畫過度高四
千里莖圍二百八十里枝葉分布二千里忉利天有

89 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

樹名晝度高四千里莖圍二百八十里枝葉分布二
千里大海北有大樹名闍高四千里莖圍二百八十
里枝葉分布二千里北方地空中有叢樹名菴廣長
各二千里復有叢樹名闍破又有叢樹名多又有叢
樹名那多又有叢樹名男又有叢樹名女又有叢樹
名小兒又有叢樹名栢又有叢樹名旃檀又有叢樹
名佉鉢又有叢樹名般柰又有叢樹名比羅又有叢
樹名大利又有叢樹名柰又有叢樹名安石榴又有
叢樹名抄羅又有叢樹名陂陂又有叢樹名陂隆又
有叢樹名阿摩勒又有叢樹名呵黎勒又有叢樹名

毗醯勒又有叢樹名筆又有叢樹名竹又有叢樹名
施羅又有叢樹名舍羅間又有叢樹名爪又有叢樹
名大爪又有叢樹名脫華又有叢樹名比羅又有叢
樹名須女華又有叢樹名皮羅又有叢樹名和師又
有叢樹名茄夷又有叢樹名拔鮮又有叢樹名蒲萄
凡此諸樹廣長各二千里過是空地其空地中亦有
優鉢華池二千里紅蓮華池二千里白蓮華池二千
里黃蓮華池二千里青蓮華池二千里過是以地空
其空地有海名鬱禪從東西流入大海其鬱禪海中
見轉輪王跡知天下有轉輪王現遊行時跡鬱禪北

789 10 123456789 20 123456789 30 123456789

有山名鬱禪茄佛語諸比丘其山甚樂姝好巍巍樹木生葉華實甚香畜獸飛鳥無所不有無與等者也佛言比丘其鬱禪茄山甚樂姝好巍巍過鬱禪茄山有山名須桓那鉢其山有八萬窟中有八萬象皆在中止其象七日一食有六牙上廣下狹牙齒間悉金填過須桓那鉢山次有山名冬王甚高過億山上高四千里上有水名阿耨達廣長二千里其底沙皆金其水涼冷軟美且清以七寶金銀瑠璃水精赤真珠碑磲瑪瑙作塲壘其四面起牆亦布底有七重欄楯七重行樹周帀圍遶七寶交露綵畫姝好阿耨達龍

王水池四面有陞金陞銀桃銀陞金桃瑠璃陞水精桃水精陞瑠璃桃赤真珠陞瑪瑙桃瑪瑙陞赤真珠桃碑磲陞七寶桃陞上有曲廂蓋皆有欄楯有交露樓觀其水中有青蓮華紅蓮華白蓮華黃蓮華亦有火色者金色者青色者紅色者赤色者白色者周帀大如車輪其莖大如車轂若刺其汁出如乳色其味如蜜阿耨達龍王宮在其水中宮名般闍兜阿耨達龍王在中止其龍有何等寶何謂爲阿耨達龍過阿耨達龍天下餘諸龍王以三熱見燒阿耨達龍王不以三熱見燒復次天下諸餘龍王過阿耨達龍王

卷之二

三

1 2 3 4 5 6 7 8 9 20

1 2 3 4 5 6 7 8 9 30

餘龍王熱沙雨身上燒炙燒皮燒皮已燒膚燒膚已燒筋燒筋已燒骨燒骨已燒髓燒炙甚毒痛過阿耨達龍王餘龍王皆見熱阿耨達龍王獨不熱是故名爲阿耨達是爲第一事復次天下過阿耨達龍王餘龍王起姪欲事相向時熱風來吹其身燒龍身卽失天顏色得地身便恐不喜天下諸所龍王過阿耨達龍王諸龍王得熱阿耨達龍王獨無熱是故名爲阿耨達是爲二事復次天下諸龍王過阿耨達龍王餘龍王諸金翅鳥悉入其宮悉恐怖取食之若金翅鳥自念欲入阿耨達龍王宮適念是便自得無央數

災變及其身過阿耨達龍王天下餘龍王皆見是毒熱阿耨達龍王獨不見熱是故名阿耨達是爲三事以三事故名爲阿耨達阿耨達龍王東有大流江下行一江有五百部河繞阿耨達龍王東流入大海阿耨達龍王南有大江名和又有五百部河遶阿耨達龍王流入南大海阿耨達龍王西有大江名信陀有五百部河流遶阿耨達龍王流入西大海阿耨達龍王北有大江名斯頭有五百部河流遶阿耨達龍王入北海冬王山南有國名維地離維地離北有七黑山七黑山北有七仙人婆羅門在中止一者名機機

榆二者名施泥梨三者名鬱單四者名禪五者名加
蛇六者名優多羅七者名波被頭有山名和曇摩過
七仙人婆羅門北有山名乾陀摩訶衍中有兩窟一
者名畫二者名善畫以七寶作之金銀瑠璃水精赤
真珠碑磲瑪瑙細輒如繡衣畫善畫窟北有樹王名
真珠碑磲瑪瑙細輒如繡衣畫善畫窟北有樹王名
善住有八千樹王圍遶之善住王樹下有象王名善
住在下止有八千象周帀圍遶之善住王樹北有浴
池名摩那摩以七寶金銀水精瑠璃赤真珠碑磲瑪
瑙作整壘之邊有八千浴池周帀圍遶其水皆涼美
軟且清其水底沙皆金以七寶金銀水精瑠璃赤真
珠碑磲瑪瑙作七重欄楯七重交露七重行樹周帀
圍遶其池甚妙好金欄楯者金柱狀銀桃銀欄楯者
銀柱狀金桃瑠璃欄楯者瑠璃柱狀水精桃水精欄
楯者水精柱狀瑠璃桃赤真珠欄楯者赤真珠柱狀
瑪瑙桃瑪瑙欄楯者瑪瑙柱狀赤真珠碑磲欄楯
者碑磲柱狀一切寶桃金交露者銀垂絡銀交露者
金垂絡瑠璃交露者水精垂絡水精交露者瑠璃垂
絡赤真珠交露者瑪瑙垂絡瑪瑙交露者赤真珠垂
絡碑磲交露者一切寶垂絡皆七寶作甚殊好金樹
者金根莖銀枝葉華實銀樹者銀根莖金枝葉華實

瑠璃樹者瑠璃根莖水精枝葉華實水精樹者水精
 根莖瑠璃枝葉華實赤真珠樹者赤真珠根莖瑪瑙
 枝葉華實瑪瑙樹者瑪瑙根莖赤真珠枝葉華實碑
 碑樹者碑碑根莖一切寶枝葉華實以七寶作皆殊
 好摩那摩池周市四面以七寶金銀水精瑠璃赤真
 珠碑碑瑪瑙雜作陞金桃銀陞銀桃金陞水精陞瑠
 璃桃瑠璃陞水精桃赤真珠陞瑪瑙桃瑪瑙陞赤真
 珠洗碑碑陞一切寶桃以七寶作甚殊好陞上有曲
 廂蓋欄楯上有交露樓觀下有園觀舍宅有浴池樹
 生種種華種種實出種種香中有種種飛鳥相和悲
 鳴摩那摩池中有青蓮華黃蓮華白蓮華赤蓮華中
 有紅色者金色者青色者黃色者赤色者白色者種
 種雜色者其莖大周市如車輪其莖周市如車轂其
 莖斷者出其汁如乳其味如蜜善住象王念欲入池
 中洗浴相娛樂時卽念八千象王爾時八千象王言
 善住象王以念我等卽共往至善住象王所在前住
 時善住象王與八千象王俱往至摩那摩池諸象中
 有爲王持蓋者中有扇者周市圍遶中有含血名機
 邪在前歌舞作妓樂時善住象王至摩那摩池中洗
 浴作妓樂相娛樂中有象爲王洗鼻口者中有洗牙

齒者中有洗頭者中有洗背者中有洗腹者中有洗
髀者中有洗膝者中有洗足者中有洗尾者中有拔
華根洗之以與王食者中有以青蓮華黃蓮華赤蓮
洗浴相娛樂飲食已便還至善住樹下其八千象王
各入其池洗浴作妓樂相娛樂飲食已便還至善住
象王所爾時善住象王與八千象王俱前後圍遶還
至善住樹下中有爲象王持蓋者中有扇者在前作
妓樂歌舞至善住樹間象王從意臥起行步其餘八
千象各各亦隨意在樹間臥起行步從意所欲諸八

千象樹中有圍四丈九尺中有樹圍五丈六尺中有
樹圍六丈三尺中有樹圍七丈七尺中有樹圍八丈
四尺中有樹圍九丈一尺中有樹圍九丈八尺中有
樹圍十丈五尺中有樹圍十一丈二尺善住象王樹
莖圍十丈九尺是八千樹枝葉墮落時風便吹著外
其八千象王大小便時諸鬼神便除著外佛言比丘
善住象王威神尊巍巍乃如是畜生含血之類迺有
此也

鬱單越品第二

佛語比丘鬱單越天下周市廣長各四十萬里北方

天下有種種山無央數其河兩邊有種種樹河水徐行有種種華水中聚流河兩邊有船綵畫姝好以四寶金銀瑠璃水精作之北方天下中央有浴池名鬱難陀廣長四千里其水涼軟且清有七重壁水底沙皆金難陀浴池周帀四面有陛以四寶金銀瑠璃水精作之金陞銀桃銀陞金桃瑠璃陞水精桃水精陞瑠璃枕難陀池中有青蓮華黃蓮華白蓮華赤蓮華中有紅色者金色者青色者黃色者赤色者白色者周帀叅行其華若斷者出其汁如乳其味如蜜光照四十里其香亦聞四十里難陀浴池東有河名已味

難陀浴池南有河名修竭難陀浴池西有流河名大士難陀浴池北有流河名善種是諸河水皆徐行中有聚流行華河兩邊有種種樹以金銀瑠璃水精作河兩邊際難陀浴池東有園名賢上有七重欄楯七重交露七重行樹周帀圍遶以四寶作之姝好金銀水精瑠璃賢上園中有香樹生華實擘裂者出種種香有擣香樹生華實擘者出種種香有衣被樹有瓔珞樹有不息樹有生華實若擘者出種種衣被種種瓔珞出種種不息有果樹器樹音樂樹生華實實擘者出種種器種種果種種音樂樹高七里有高

六里五里者四里三里二里最早者高一里難陀浴池南有園觀名與賢有七重欄楯七重交露七重行樹周帯圍遶以四寶作之中有香樹擣香樹衣被樹瓔珞樹不息樹器樹樹皆有華實實擘者各各出種種香擣香衣被瓔珞不息器果種種音樂樹最小者高十里二十里四十里上至七十里難陀浴池西有園觀名羅越以四寶作七重欄楯七重交露七重行樹周帯圍遶諸樹所出生高卑亦如東方園難陀浴池北有園觀名常有華亦以四寶金銀水精瑠璃作七重欄楯七重交露七重行樹周帯圍遶諸樹所出人從東西南北來者與指吮出乳飲是七日已自以潤澤有威神男子女人若欲姪沃意起相視無所語男子便在前行女人隨後行至園觀入中共相娛樂二三日若至七日各自隨意罷去不相屬也女人懷妊七日八日便生若男若女便持著四徼道中若有

福德卽長大譬如閻浮利人年二十若二十五時北方天下周帀四方有水名阿耨達後夜起雲天雨八味水如人飲食頃洗浴北方天下淹塵塵不復起譬如酥油塗地塵不起北方天下亦如是地塵不起譬如不息工師若不息工師弟子以種種華結作不息左手持之右手以水洗不息無塵北方天下如是地不起塵常有流水生草樹常有葉華實中有草青譬如孔雀翅色其香如栴檀香足踏上卽陷四十舉足還復如故北方天下人欲至賢上園觀中遊戲相娛樂卽去乘船至岸邊脫衣沐浴相娛樂已便乘船度

河往至香樹間取香塗身至衣被樹間取衣著至不息樹間瓔珞樹間器樹果樹間音樂樹間取瓔珞不息著之取器音樂便往至賢上園觀熱時亂風吹掃賢上園觀地伊蘭風至吹落華墮地至人膝時北方天下人悉入賢上園觀中遊戲相娛樂二三日至七日以後各自罷去隨意無所繫屬亦復至與賢上園觀羅越常有華園觀亦如是北方天下人欲飯時取淨潔粳米炊之以炎味珠光炊其下熟飯東方西方南方北方若有人來至其所者皆飯食之其飯亦不盡至人食之已北方天下人有樹名象兜交曲上合

如交露人民在上止宿男女各異處北方天下人通齒髮紺青色長八丈人民面色同等長短亦等女人亦如是是人民悉行十善事不復相教作惡行也皆壽千歲無缺減者死後有生忉利天上者有生餞摩天上者有生兜術天上者有生尼摩羅天上者有生波羅尼蜜天上者天上壽盡下生閻浮利天下人間卽生大豪貴家若婆羅門大長者家北方天下人大小便時劈沒地中其地清潔無有聚糞臭處北方天下人男子女人死時好爲衣被莊嚴不啼哭取著徽道中有鳥名鬱遮舉取死人著北方天下外何以

故名爲鬱單越鬱單越天下勝是三天下復最上是故名爲鬱單越復次鬱單越天下人食淨潔粳米無有盜賊無有惡者無言我妻子無言我子顏色甚好有威神無短命者死以後生善處是故名鬱單越也

轉輪王品第三

佛語諸比丘世間有轉輪王時自然生七寶有四德何等爲七一者金輪寶二者白象寶三者紺色馬寶四者明月珠寶五者玉女寶六者主藏聖臣寶七者導道聖臣寶轉輪王其金輪何等類王以十五日月滿時沐浴於高觀上與姝女共坐見東方有自然天

78901234567892012345678930123456789

金輪來有千輜皆完具悉以天金所成高一丈四尺
王見以自念言我從先聖聞若王十五日月滿沐浴
上高觀與妓女俱坐見東方有自然金輪者卽得作
轉輪王王自念欲試天金輪爾時轉輪王便試天金
輪卽便會四部兵往至天金輪所整衣服長跪叉手
持右手指金輪使東飛金輪卽東飛轉輪王卽與四
部兵及家室親屬悉隨之飛四天王天上諸天皆亦
在金輪前飛行金輪所至止處轉輪王便與四部兵
家室親屬皆止宿其中爾時東方弗于逮諸王以金
鉢盛滿銀粟銀鉢盛滿金粟共往至轉輪王所白言

大王來大善東方諸城國界富樂熾盛安隱五穀豐
熟人民衆多珍寶衆多工巧者饒明月珠玉瑠璃白
象馬牛羊奴婢米穀豐饒倉庫儲滿願大王止此我
等承受其教令轉輪王便告諸王言諸賢等各自治
國以正法莫行非法諸賢等但莫教殺生莫盜竊莫
犯人婦女莫妄語罵詈惡口兩舌莫念惡當念慈心
爲正見奉行如是如是者則爲受我教爾時諸小王
持國界奉上轉輪王轉輪王卽往案行東方諸國於
其中止頓無央數歲相娛樂快樂飲食得東海內悉
屬已便還南方閻浮利天下王降服亦如是復與家

78901234567892012345678930123456789

室親屬及四部兵金輪在前飛行復至西方俱耶尼亦如是復至北方鬱單越天下亦如是四天王上諸天皆在金輪前飛金輪所至到止處轉輪王便與家室親屬四部兵止頓其中爾時北方諸小王以金鉢盛滿銀粟以銀鉢盛滿金粟共往至轉輪王所白言大王來大善北方諸城國界富樂熾盛安隱五穀豐熟人民珍寶衆多工巧者饒明月珠玉瑠璃象馬牛羊奴婢米穀豐饒倉庫儲滿願大王止此我等承受其教轉輪王便告諸小王言賢等各自治國以正法莫行非法賢等莫殺生莫盜竊莫犯人婦女莫妄語

罵詈惡口兩舌莫念人惡當念慈心爲正見奉行如是者則爲受我教爾時諸小王持國界奉上轉輪王轉輪王案行北方諸國於其中止頓無央數歲相娛樂快樂飲食得北海內悉屬已便與家室親屬及四部兵還閭浮利天下威神更巍巍其金輪王爾時便量度東西長四百八十里南北廣二百八十里諸天爲轉輪王造起城壁七重七重欄楯七重交露七重行樹周帀圍達綵畫殊好皆以七寶金銀水精瑠璃赤真珠碑碣瑪瑙更互相成金壁者銀門銀壁者金門瑠璃壁者水精門水精壁者瑠璃門赤真珠壁者

6 9 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

瑪瑙門瑪瑙壁者赤真珠門碑礎壁者一切寶門城
周市四方有門金欄楯者金柱狀銀桃銀欄楯者銀
柱狀金桃瑠璃欄楯者瑠璃柱狀水精桃水精欄楯
者水精柱狀瑠璃桃赤真珠欄楯者赤真珠柱狀瑪
瑙桃瑪瑙欄楯者瑪瑙柱狀赤真珠桃碑礎欄楯者
碑礎柱狀一切寶桃金交露者銀垂絡銀交露者金
垂絡瑠璃交露者水精垂絡水精交露者瑠璃垂絡
赤真珠交露者瑪瑙垂絡瑪瑙交露者赤真珠垂絡
碑礎交露者一切寶垂絡復以七寶作樹甚姝好金
樹者金根金莖銀枝葉華實銀樹者銀根莖金枝葉

華實瑠璃樹者瑠璃根莖水精枝葉華實水精樹者
水精根莖瑠璃枝葉華實赤真珠樹者赤真珠根莖
瑪瑙枝葉華實瑪瑙樹者瑪瑙根莖赤真珠枝葉華
實碑礎樹者碑礎根莖一切寶枝葉華實門上有曲
廂蓋交露有樓觀邊有園觀舍宅浴池中有種種樹
種種葉種種華種種實出種種香種種飛鳥相和而
鳴其城姝好威神巍巍金輪便止城中度量東西八
十里南北四十里爾時諸天爲轉輪王以七寶作宮
殿壁七重七寶欄楯七重七寶交露七重七寶行樹
七重周市圍遶七重門上有曲廂蓋交露有樓觀下

789101234567892012345678930123456

有園觀浴池種種樹種種葉種種華實種種飛鳥相和而鳴造起轉輪王宮殿已金輪便立宮門前虛空中爾時轉輪王甚歡喜踊躍言以爲我自然金輪寶今我以爲作轉輪王乎佛言轉輪王有自然金輪寶如是轉輪王有白象寶何類轉輪王明日與諸臣共會叅議時卽自然有白象在前現皆白身體完具能飛行端正頭赤有六牙上麤下細牙如畫間金色轉輪王見已念言此象若可調者便當爲賢善則與調象師使調適一反調便調善最如調善畜爾時轉輪王欲試白象寶便使會四部兵被白象莊嚴已騎白

象日出便出宮門飛行達四海內卽時還宮坐相娛樂爾時轉輪王甚大歡喜踊躍言以爲我自然白象寶今我以作轉輪王轉輪王自然有白象寶如是轉輪王有紺色馬寶何等類轉輪王明日與左右共叅議時見自然紺色馬在前其馬身青毛衣滑澤頭黑轉輪王自念言若調此馬者便當妙好則與馬師使調卽時調好最如賢善馬爾時轉輪王欲自試紺色馬寶即使會四部兵被已騎日未出便出宮門則與四部兵飛行遶四海內卽日還宮坐相娛樂甚歡喜踊躍言以爲我自然紺色馬寶今我以爲作轉輪王

10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

轉輪王有紺色馬寶如是轉輪王有明月珠寶者何等類轉輪王明日與諸臣共坐參議時見有自然明月珠寶在前其珠青瑠璃色八方滑澤好清潔有光明照曜轉輪王見已自念言如此珠照我後宮中懸者爲姝好爾時轉輪王欲自試明月珠寶便使會四部兵持珠著幢頭夜從宮門出與四部兵爾時明月珠寶光照諸長者婆羅門家令起作使奴婢販賣市井謂爲日出其珠照四部兵明出宮四十里飛行遙四海內卽夜還宮坐甚歡喜踊躍言以爲我自然明月珠寶今我以作轉輪王轉輪王有明月珠寶如是

轉輪王有玉女寶者何等類轉輪王明日與諸大臣參議時有自然玉女寶在前見端正姝好面色無比亦不長不短不肥不瘦不白不黑冬時身則溫夏時身則涼身體諸毛孔皆栴檀香口出蓮華香轉輪王甚愛重之意不起姪欲向他人何況當復身行爾時轉輪王甚歡喜踊躍言以爲我自然玉女寶今以作轉輪王轉輪王有玉女寶如是轉輪王有主藏聖臣寶何等類轉輪王明日坐參議時見主藏聖臣寶在前解慧曉事至誠往至轉輪王所白言轉輪王所欲求索者我當爲王辦之王但自安隱坐轉輪王欲試

7891011234567892012345678930123456

主藏聖臣寶便會四部兵乘船入水告主藏聖臣我
欲得金銀珍寶汝當與我主藏聖臣白轉輪王言度
水已隨王所欲卽當得之王言今當於此用之疾與
我金銀珍寶度水已我不用主藏聖臣聞受其教正
衣服船上長跪右手撓水以器抄金銀珍寶譬如蟲
著樹諸金銀珍寶器著手如是爾時主藏聖臣持衆
珍寶著船上白轉輪王言欲得幾許金銀珍寶今當
與王轉輪王告主藏聖臣言我所有金銀珍寶甚衆
多但欲試卿耳主藏聖臣聞已便還持金銀珍寶著
水中爾時轉輪王甚歡喜踊躍言以爲我自然主藏

聖臣寶今我以作轉輪王轉輪王有主藏聖臣寶如
是轉輪王有兵臣寶何等類轉輪王明旦坐叅議時
見有兵臣在前解慧勇猛曉事往至轉輪王所白轉
輪王言王所欲爲作我當爲辦王但安坐莫憂爾時
轉輪王欲試兵臣便會四部兵告兵臣寶言不曉兵
法者教令曉之已曉者教令重知不曉住者教令知
住不曉騎乘弓馬者教令知兵臣寶卽受教皆教諸
兵轉輪王甚歡喜踊躍言以爲我自然兵臣寶我今
以爲轉輪王轉輪王有兵臣寶如是佛言轉輪王有
七寶如是佛言轉輪王有四德云何爲四德一者大

富珍寶田宅奴婢珠玉象馬工巧者衆多天下人富無有如轉輪王者是轉輪王第一德二者轉輪王最端正姝好顏色無比天下人端正姝好無有如轉輪王者是轉輪王第二德三者轉輪王常安隱無疾病身常等亦不寒亦不熱適其意諸所飲食皆安隱天下人無有如轉輪王無疾病者是爲轉輪王第三德四者轉輪王常安隱長壽天下人無有常安隱長壽如轉輪王者是爲轉輪王第四德轉輪王有七寶及四德如是轉輪王以正法行爲正見不轉善見行十善事教諸小國王傍臣左右人民奉行十善事轉輪

王愛念諸郡國人民如父愛子諸郡國人民愛敬轉輪王如子愛父轉輪王治天下閭浮利地平正無有高下無有棘刺無有毒獸蟲蟻無有山陵谿谷無有礫石地但有棄捐金銀明月珠玉瑠璃琥珀水精碑礫瑪瑙珊瑚轉輪王天下治國時富樂安隱熾盛五穀豐熟人民衆多佛語比丘轉輪王治國時天下萬郡國聚落居鷄鳴展轉相聞轉輪王治國時天下常遍有水草木常有青樹木常有葉華實其地草葉周布分布色如孔雀毛其香如華香足踏上減四寸入地舉足還復如故地草又無四寸空缺處有香

樹常生華實破其實出種種香有衣被樹出華實及種種衣被有珠寶瓔珞樹出華實破中有無央數種種珠寶瓔珞有不息華樹出華實破中有種種不息有果樹常生華實破中有種種果有器樹生華實破中有種種器波樂樹生華實破中有種種音樂轉輪王治國時是天下閭浮利不耕種米穀稻糧皆自然生淨潔無穢出其味有種種甘轉輪王臨壽終時身不甚痛譬如習樂人大食腹不甚痛轉輪王臨壽終時身體痛如是轉輪王命過以後金輪白象寶便滅去紺色馬明月珠寶亦沒去玉女寶主藏聖臣寶導

道聖臣寶便沐浴轉輪王身以綿纏身復以五百張白氍毹身著鐵棺中以酥灌其上滿以蓋覆之以釘釘之出轉輪王棺衆人共作妓樂歌舞出著城外積一切香薪持轉輪王棺著上便放火耶維燒已玉女寶主藏聖臣導道聖臣寶共收骨以七寶函四微道中起塔高四十里廣長四十里周帀圍達甚殊好其從四方來禮轉輪王行法起塔皆得無數福爾時玉女寶主藏聖臣寶導道聖臣寶爲轉輪王起塔已便布施

饑者與食渴者與漿欲得衣者與衣欲得香熏華者
與香熏華欲得財物牛羊者與之其後玉女寶主藏
聖臣寶導道聖臣寶皆命過

佛說樓炭經卷第一

音釋

柵

房六切

桃

古黃切

喙

都計切

脣

虛業切

睞

失冉切

拔

蘇不輒切

柔

而堯切

擊

古歷切

未

力軌切

壘

猶疊也

陞

部禮切

筋

舉欣切

吳江居士沈贊爲亡妻王氏母子施貲刻此

佛說樓炭經第一卷

該銀四兩三錢七分

武林釋大能對上元陶邦本書溧水端師禹刻

萬曆己酉年冬十月經山寂照庵識

部禮舉欣切

十八

二十個

十八

二十

十八

佛說樓炭經卷第二

西晉三藏法師法立共法炬譯

泥犁品第四

佛告比丘有大鐵圍山更復有第二大鐵圍山中間
窈窕冥冥其日月大尊神光明不能及契其中有八
大泥犁一泥犁者有十六部第一大泥犁名想第二
大泥犁名黑耳第三大泥犁名僧乾第四大泥犁名
樓獵第五大泥犁名噉嚙第六大泥犁名燒炙第七
大泥犁名金煮八大泥犁名阿鼻摩呵佛言何以
名爲想其大想泥犁若有人墮中者其八指生爪如

利刀以相把刺其肉應手墮去想念欲相殺以是麤
想事故名爲想泥犁更復有餘種種因緣復次其大
想泥犁若有人墮中者手中自然刀劍以相斫刺想
欲殺他人以是麤想事故名爲想復次更復有餘因
緣其有人墮中者手中自然小刀以刺剝他人想念
欲殺之以是麤想事故名爲想復有餘因緣其有人
墮大想泥犁中者以手搔從足剝餘者至頂想念欲
殺他人涼風起吹之身瘡平復展轉相語當復長生
中復有相語言我曹今適生以是故名爲想泥犁復
有餘因緣用是故泥犁中人壽長久乃從想泥犁中

出便走求解脫復有泥犁名爲黑界縱廣二萬里悉
入中裏火從身出達身三市延入身毒痛不可忍過
惡未解故不死復次黑界泥犁東壁火達三市燒人
燄至西壁西壁火燄至東壁南壁火燄至北壁北壁
火燄至南壁上火燄下至地地下火燄上至上人在
中燒炙毒痛不可忍過惡未解故不死在其中甚久
久乃從黑界泥犁出便走求解脫有泥犁名沸屎縱
廣二萬里悉入沸屎中自然至頸熱沸踊躍人以手
把蹶欲出不能得身體手足耳鼻面目皆爛熟毒痛
不可忍過惡未盡故不死有蟲名鍼口啄人觸體啄

7890 10 11 12 13 14 15 16 17 18 19 20 11 12 13 14 15 16 17 18 19 30 11 12 13 14 15 16 17 18 19

人肉穿之破骨噉人髓泥犁中人手拳扶食之脣舌皆焦咽喉腹中腸胃皆爛便下過去毒痛不可忍過惡未盡故不死在其中甚久以後乃從沸屎泥犁中出便走欲求解脫有泥犁名五百釘縱廣二萬里悉入中泥犁旁各取人手足臥撲著釘地以燒鐵釘釘其右掌以鐵釘釘左掌以鐵釘釘其右足復以鐵釘釘其左足復以鐵釘釘其心復以鐵釘遍釘其身下徹地悉以五百釘釘其身續動欲起毒痛不可忍泥犁旁問言欲求何等報言我但苦饑渴泥犁旁取鉗拗開口燒熱鐵注其咽中脣舌咽皆焦腹中腸胃皆

焦爛與腸胃下過去毒痛不可忍過惡未盡故不死用是故人在泥犁中甚長久以後乃從五百釘泥犁得出便走欲求解脫有泥犁名車怙縱廣二萬里悉入其中泥犁旁便問言欲求何等報言但苦饑渴泥犁旁便各各取其身撲著地取鉗拗開其口取消銅灌人口中脣舌皆焦腹中五臟腸胃皆焦爛燒炙毒痛不可忍過惡未盡故不死在泥犁中甚長久以後乃得出便走欲求解脫有泥犁名爲飲悉入中泥犁旁便問言欲求何等報言我但苦饑渴泥犁旁即各各取其人身撲著燒熱地以鉗拗開其口以燒鐵丸

789
10 11 12 13 14 15 16 17 18 19 20 11 12 13 14 15 16 17 18 19 20

著人口中脣舌咽皆集五臟腸胃盡集便下過去毒
痛不可忍過惡未盡故不死在其中甚長久乃從飲
悉泥犁中出便走求解脫有泥犁名一銅金縱廣二
萬里盡入中泥犁旁便共舉人身體手足著金中煮
在底亦熟在上亦熟湯沸踊躍起沫有在上露手足
者覆亦熟譬如煮豆在底亦熟在上亦熟覆亦熟露
亦熟泥犁中人亦如是在二萬里銅金泥犁中上下
皆熟頭面耳鼻手足皆見泥犁旁以矛刺內其中毒
痛不可忍過惡未盡故不死用是故在其中甚長
已後乃從一銅金泥犁中出便走欲求解脫有泥犁

名多銅金縱廣二萬里悉入中泥犁旁便各各舉其
身手足著金中湯沸踊躍展轉在底在上頭面手足
皆見熟爛泥犁旁便以躁擣罪人持著餘金中見煮
亦如是毒痛不可忍過惡未盡故不死在其中甚長
久已後乃從多銅金泥犁中出便走欲求解脫有泥
犁名鐵磨縱廣二萬里悉入其中泥犁旁便各各取
人著鐵磨上臥以蓋覆上便旋磨使碎血肉流下骨
留在磨中火出燒炙毒痛不可忍過惡未盡故不死
用是故在其中甚長久已後乃從鐵磨泥犁中出便
走欲求解脫有泥犁名膿血縱廣二萬里人悉入其

789101234567892012345678930123456789

中卽自然有膿血火燄出人以手足把磨欲出頭面耳鼻身體手足皆焦便自以手取膿血食之唇舌咽喉皆焦腹中腸胃五臟皆焦便下過去毒痛不可忍過惡未盡故不死在其中甚長久已後乃從膿血泥犁中出便走欲求解脫有泥犁名高峻縱廣二萬里入悉入其中泥犁火燄出泥犁旁卽趁人上下出頭面耳鼻身體手足皆焦爛毒痛不可忍過惡未盡故不死在其中甚長久已後乃從高峻泥犁中出便走欲求解脫有泥犁名斫板縱廣二萬里人悉入其中泥犁旁便各各取人撲著熾鐵地以鐵繩量度身以兩

手持斧斫削人身及頭面手足鼻耳毒痛不可忍過惡未解故不死在其中甚長久已後乃從斫板泥犁中出便走欲求解脫有泥犁名斛量縱廣二萬里人悉入其中泥犁旁卽取炭火中人使著斛中量以手摩上頭面身體手足鼻耳皆焦爛泥犁旁走入火上往還燒炙毒痛不可忍過惡未解故不死在其中甚長久已後乃從斛泥犁中出便走欲求解脫有泥犁名劔樹葉縱廣二萬里人悉入其中風至吹鐵劔樹葉墮落截人手足頭面耳鼻身體毒痛不可忍過惡未盡故不死在其中甚長久已後乃從鐵劔樹泥犁

8890101234567890201234567890301234567890

中出便走欲求解脫有泥犁名撓撈河縱廣二萬里
河兩邊生荆頭刀草人悉入其中刀刃逆刺人斷人
手足頭面鼻耳身體毒痛不可忍爾時人皆墮撓撈
河湯沸踊躍下底有八寸蒺藜刺刺人身血流灑但
有其骨便沸踊躍轉上下毒痛不可忍風吹至岸邊
草刀逆向內截人頭面耳鼻身體手足毒痛不可忍
過惡未解故不死泥犁旁卽問人言欲求何等報言
我但苦饑渴泥犁旁便各各取人撲著燒熱地以消
銅灌人口中脣舌咽喉皆集身體五臟腸胃皆集便
下過去毒痛不可忍過惡未解故不死河兩邊有鐵
下過去毒痛不可忍過惡未解故不死

樹泥犁旁便取人舉著鐵樹上樹生刺刺下垂刺人
身體血肉出流墮餘但有骨風起吹人身體平復如
故有鳥名鐵烏觜啄其頭噉其腦在頭上住啄取人
瞳子人欲下鐵刺仰向刺人欲上復下向刺人爾時
人走行欲求解脫還墮撓撈河中湯沸踊躍墮底爲
蒺藜所刺如故上浮風吹至岸邊草刀逆截傷人頭
面耳鼻身體手足毒痛不可忍過惡未解故不死泥
犁旁問言欲求何等報言我但苦饑渴便持消銅灌
口中脣舌咽喉腸胃皆集爛便下過去上岸邊泥犁
旁復著岸邊樹上欲下上刀逆刺人有鳥名那尼觜

啄人頭噉其腦在人頭上啄人瞳子欲上下刺逆向
刺人毒痛不可忍過惡未盡故不死復還墮撓撈河
在中毒痛如故風復吹至岸邊草刀逆刺刺人如故
泥犁旁復問人言欲求何等報言但苦饑渴以其消
銅灌其口中如故燒灸毒痛不可忍在其中甚長久
已後乃從撓撈河得出便走欲求解脫有泥犁名狼
野千縱廣二萬里人悉入其中狼野千自然在前住
身中出火燄所齧人身肉應其口而食之毒痛不可
忍飛鳥共來啄噉人肉脫入眼者毒痛不可忍過惡
未盡故不死在其中甚長久已後乃從狼野千泥犁

得出便走欲求解脫有泥犁名塞冰縱廣二萬里人
悉入其中風周市四面起寒外風吹人身肌膚皮肉
筋骨入髓中用是故便於中死佛言何以故名爲黑
耳泥犁若有人墮黑耳泥犁中者黑風熱沙雨其身
上卽墮地集皮肌膚骨肉及髓毒痛不可忍過惡未
盡故不死用是故名爲黑耳復次有緣墮其黑耳大
泥犁其有人墮中者以燒黑鐵索縛其身風便勒
結之斷其身皮肌膚破骨出髓毒痛不可忍過惡未
盡故不死用是故名黑耳復次有因緣墮其黑耳大
泥犁中者泥犁旁以黑鐵燒熱繩纏裹人身集皮肉

789
10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

肌膚骨髓毒痛不可忍過惡未盡故不死用是故名爲黑耳復次其有人入大黑耳泥犁旁以鐵繩左右綾其人身以鋸截之以斧斷之毒痛不可忍過惡未盡故不死用是故名爲黑耳復次人在其中甚長久燒炙毒痛乃從黑耳泥犁中出便走欲求解脫有泥犁名黑火縱廣二萬里人悉入中黑火從身出達身三市還入身毒痛不可忍過惡未盡故不死在泥犁中甚長久乃從黑火泥犁中出隨次入如前十六泥犁至寒水泥犁乃命過佛言何以故名爲僧乾泥犁其有人墮僧乾大泥犁中者自然兩鐵山出火火山

合拍泥犁中人破碎其身毒痛不可忍過惡未盡故不死是故名爲僧乾復有餘因緣復次若有人墮僧乾大泥犁中者人悉入其中有兩山相拍罪人身皆破碎解墮毒痛不可忍過惡未盡故不死是故名爲僧乾復有因緣人在其中甚長久乃從大僧乾泥犁中出便走欲求解脫復次入十六泥犁如前復至寒水泥犁乃命過佛言何以故名樓獵泥犁其有人墮樓獵中者泥犁旁各各取人著鐵銚中人大囁呼大毒大痛是故名爲樓獵復次有罪人墮樓獵泥犁中者泥犁旁取人著鐵鼎中大毒大痛噉噉是故名爲

789 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36

樓獵復次其有罪人墮樓獵泥犁中者泥犁旁各各取人著鐵金中大毒大痛噉噉是故名爲樓獵復有餘因緣罪人在其中甚長久乃從樓獵泥犁出便走欲求解脫復隨次入十六泥犁如前至寒冰泥犁乃命過佛言何以故名爲噉噉其有人墮大噉噉泥犁中者泥犁旁各各取其人身著大銚中煮極毒痛大噉噉是故名爲大噉噉復有餘因緣其有罪人墮大噉噉泥犁中者泥犁旁各各取其人身著大釜中甚毒痛大噉噉復有餘因緣其罪人墮大噉噉泥犁中者泥犁旁各各取人著鼎鑊中煮甚毒痛大噉噉

是故在其中甚長久乃從大噉噉泥犁中出便走欲求解脫隨次入十六泥犁如前至寒冰乃死佛言何以故名爲燒炙其有罪人墮大燒炙泥犁中者泥犁旁各各取人著鐵舍中自然出火燒炙毒痛是故名爲燒炙復次其有罪人墮大泥犁燒炙中者泥犁旁牽人入鐵交露中自然有火燒炙毒痛是故名爲燒炙罪人在其中甚長久乃從燒炙泥犁中出便走欲求解脫隨次入十六泥犁如前至寒冰泥

889
10 11 12 13 14 15 16 17 18 19 20 11 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6

文缺佛言何以故名

犁乃命過佛言何以故金煮泥犁爲阿鼻摩呵其有罪人墮阿鼻摩呵泥犁中者眼但見惡色不見善色耳但聞惡聲不聞善聲口所食但得惡味不得甘美鼻所聞臭不聞香身所更但得惡意所念法但有惡無善是故名爲阿鼻摩呵復有餘因緣有罪人墮阿鼻摩呵泥犁中者東壁火燄至西壁西壁火燄至東壁南壁火燄至北壁北壁火燄至南壁上火燄下至地地火燄上至上六面火來燒炙人毒痛是故名爲阿鼻摩呵復次其罪人墮阿鼻摩呵泥犁中者彈指頃無有樂是故名爲阿鼻摩呵罪

人在其中甚長久乃從阿鼻摩呵泥犁中出便走欲求解脫隨次入十六泥犁如前至寒外泥犁乃死佛言大鐵圍山外閻浮利天下南有閻羅王城縱廣二十四萬里以七寶作七重壁七重欄楯七重交露七重行樹園觀浴池周帀圍遶金壁銀門銀壁金門琉璃壁水精門水精壁琉璃門赤真珠壁瑪瑙門瑪瑙壁赤真珠門碑礎壁一切寶門上有曲廂蓋交露下有園觀浴池有種種樹葉華實出種種香種種飛鳥相和而鳴佛言人身行惡口言惡心念惡死後墮此閻羅王泥犁中者泥犁旁便反縛罪人以見閻羅王

白王言此諸人悉不孝父母不承事沙門道人不畏後世禁忌願王隨所知而罰之王卽呼人前安諦審實問其人汝昔在世間時不見人年老百二十頭白齒落面皺皮緩氣力衰微持杖而行身體顫慄其人言已見何以不自念我亦當如是老極無有能脫不老者何不自改身口意爲善其人對言我實姪亂王言今我當便問汝姪亂之意是過非父母過亦非兄弟過亦非天帝王過亦非親屬知識過亦非先祖去人過亦非沙門婆羅門過汝自作惡身自當受第一閻羅王問閻羅王第二安諦審實問汝昔在世間時爲不見人男女病困劣著牀惡露自出身臥其上不能坐起居人坐起飯食之其人對言已見王言汝何以不念我亦當如是病瘦自改身口意爲善我實姪亂王言今我當便問汝姪亂之意是過亦非父母過亦非兄弟過亦非天帝王過亦非親屬知識過亦非先祖去人之過亦非沙門非婆羅門過汝自作惡身自當受第二閻羅王問閻羅王第三問汝昔在世間時爲不見男女死時身體壞敗破碎如朽木棄捐爲鳥蟲蟻狐狼所食若有燒者葬埋者其人對言已見汝何以不自念我亦當如是死當自改身口意爲善

我實姪亂王言我當問汝姪亂之意是過非父母過亦非兄弟過亦非天帝王過亦非先祖去人過亦非親屬知識過亦非沙門婆羅門過汝自作惡身自當受第三閻羅王問閻羅王第四問汝昔在世間時爲不見小兒無所知屎尿自惡其人言我已見何以不自念我本亦如是當自改身口意爲善我實姪亂王言今我當問汝姪亂之意是過非父母過亦非兄弟過亦非天帝王過亦非先祖去人過亦非親屬知識過亦非沙門婆羅門過汝自作惡身自當受第四閻羅王問閻羅王第五安諦審實問汝昔在世間時爲

不見郡國縣邑中得盜賊犯事殺人者以見白王王勑使四支梟杖之若著金中煮若生燒之若閉著牢獄掠笞毒痛若斷手足鼻耳若生貫之若斷頭種種酷毒之其人對言已見汝何以不自念我若有過亦當取我如是當改身口意爲善我實姪亂當問汝姪亂之意是過非父母過亦非兄弟過亦非天帝王過亦非先祖去人過亦非親屬知識過亦非沙門婆羅門過汝自作惡身自當受第五閻羅王問便持付泥犁旁卽各各取人倒著泥犁中泥犁城廣長各四萬里窈窕冥冥佛爾時說偈言

四方有四門 諸角治甚堅 垣壁以鐵作

上亦有鐵覆 其地悉布鐵 火悉自然出

其界有十大泥犁第一名阿浮第二名尼羅浮第三名阿呵不第四名阿波浮第五名阿羅留第六名優鉢第七名修捷第八名蓮華第九名拘文第十名分陀利佛言何故名爲阿浮阿浮泥犁中罪人自然生身譬如雲氣是故名爲阿浮何以故名爲尼羅浮尼羅浮泥犁中罪人身譬如碌碡肉是故名爲尼羅浮何以故名爲阿呵不阿呵不泥犁中罪人甚大苦甚大痛囉呼是故名爲阿波浮何

波浮泥犁中罪人甚酷甚痛大呼喎囉是故名爲阿波浮何以故名爲阿羅留阿羅留泥犁中罪人甚苦甚痛欲囉呼不能但動舌是故名爲阿羅留何以故名爲優鉢優鉢泥犁中罪人身青譬如優鉢是故名爲優鉢何以故名爲修捷修捷泥犁中罪人身黃譬如修捷是故名爲修捷何以故名爲拘文拘文泥犁中罪人身色黃白譬如拘文是故名爲拘文何以故名爲分陀利分陀利泥犁中罪人身色赤如分陀利是故名爲分陀利何以故名爲蓮華蓮華泥犁中罪人身紅色是故名爲蓮華佛言譬如右百二十斛四

789
1011234567892012345678930123456789

斗筭滿中芥子百歲者人取一芥子去比丘是百二十斛四斗芥子悉盡人在阿浮泥犁中尚未竟若人在尼羅浮泥犁中者百歲取一芥子盡二千四百八十斛芥子乃得出耳在阿呵不泥犁中百歲取一芥子盡四萬八千一百六十斛乃得出在阿波浮泥犁中百歲取一芥子盡九十六萬三千三百斛乃得出在阿羅留泥犁中百歲取一芥子盡千九百二十六萬四千斛乃得出在修捷泥犁中百歲取一芥子盡三億八千萬五百二十八斛乃得出在青蓮華泥犁中百歲取一芥子盡八十六億五百六十萬斛乃得

出在黃白蓮華泥犁中百歲取一芥子盡千七百二十億萬一千二百斛乃得出在拘文蓮華泥犁中百歲取一芥子盡三萬四千四百億二十二萬四千斛乃得出在紅蓮華泥犁中百歲取一芥子盡六十萬八千八百億四百四十八萬斛乃得出二十小劫爲半大劫有人名拘波利墮紅蓮華泥犁中坐誹謗舍利弗摩訶目犍連佛於是說偈曰

若有人發起者 從口語出刀刃
坐語說惡之事 便還而自截傷
若可誹反歎譽 可歎者反誹謗

88901234567890201234567890301234567890401234567890501234567890601234567890701234567890801234567890901234567890

口說惡猶重過

口過重不安隱

譬如人搏掩者

是諸過薄少耳

有惡意向賢者

是過爲最大重

泥犁浮有百千

阿浮有三十五

閻羅王晝夜各三過燒熱銅自然火在前宮中王卽
恐畏衣毛起豎卽出宮舍外亦自然有火王大怖
懊還入宮泥犁旁便各各取閻羅王撲燒鐵地持鐵
鈎鈎其口開以消銅灌王口中集喉咽已皆集腹中
腸胃五臟銅便下過去燒灸毒痛不可忍過惡未盡
故不死世間其有身行惡口言惡心念惡死後墮惡

道燒灸毒痛如泥犁中罪人世間人其有身行善口
言善心念善死後皆生天上佛於是說偈言

王使神呼問之

人民所作過惡

其人常而憂毒

人用是身勤苦

知當問不作惡

卽奉行賢善法

若有恐見因緣

生但有病及死

無因緣便解脫

生病死便滅盡

得安隱甚快樂

卽見在得滅度

一切恐怖畏懊

度無爲獨有常

阿須倫品第五

佛言須彌山下深四十萬里中有阿須倫名抄多戶利其城郭廣長各三百三十六萬里以七寶作之甚姝好金銀水精瑠璃赤真珠碑磲碼礪周帀圍遶有七重壁欄楯七重交露七重行樹高八萬里長六萬里皆以七寶作也四方有四門門高百里廣六十里一一門邊各各有十阿須倫居止以七寶作殿舍七重壁七重欄楯七重交露七重行樹周帀圍遶樹有青色者紅色者黃色者白色者有葉樹華樹實樹樹上有飛鳥止名爲鶴孔雀鸚鵡白鵠悉在樹上甚好相和而鳴抄多戶利阿須倫東出四萬里中有阿須

倫城郭廣長各三十六萬里以七寶彩畫姝好金銀瑠璃水精赤真珠碑磲瑪瑙作七重壁七重欄楯七重交露七重行樹周帀圍遶四方有門門高十萬里廣六萬里各各有三百阿須倫止周帀圍遶有七重流水甚深滿中有青蓮華黃蓮華紅蓮華白蓮華其底沙皆金邊有樹青色者紅色者黃色者白色者有果樹華樹實樹樹上有種種飛鳥止甚姝好相和而鳴抄多戶利阿須倫南出四萬里中有阿須倫名波陀呵阿須倫城郭廣長各三十六萬里以七寶彩畫姝好七重壁七重欄楯七重交露七重行樹四方有

門門高十萬里廣六萬里一一門各有三百阿須倫
止周帀有七重流水甚深滿其水底沙皆金中有青
紅黃白蓮華有七重壁七重欄楯交露樹木周帀圍
遶有青紅黃白樹生葉華實樹樹各有種種飛鳥甚
好相和而鳴抄多戶利阿須倫西出四萬里有阿須
倫名波利其城廣長各三十六萬里皆以七寶彩畫
姝好作七重壁欄楯交露樹木垣牆高十萬里廣六
萬里四方有四門門高十萬里廣六萬里皆以七寶
作門一一門邊各有三百阿須倫止其宮殿亦以七
寶作七重壁欄楯交露樹木七重流水甚深滿其水

底沙皆金亦有青紅黃白蓮華亦有青紅黃白樹生
葉華實上有種種飛鳥甚好相和而鳴抄多戶利阿
須倫宮北出四萬里中有羅呼阿須倫其城郭廣長
各三十六萬里亦有七寶彩畫姝好作七寶壁欄楯
交露樹木周帀圍遶垣牆高十萬里廣六萬里四方
有四門門高十萬里廣六萬里一一門邊各有三百
阿須倫止其宮殿亦以七寶作七重壁七重欄楯交
露樹木周帀七重流水深滿中有青紅黃白蓮華其
水底沙皆金復以七重欄楯交露樹木周帀圍遶有
青紅黃白樹生葉華實上有種種飛鳥甚好相和而

鳴抄多戶利阿須倫城中有大樹名爲晝過度高二萬里周巾亦有十二萬里根深二萬里莖圍四萬里常有華實抄多戶利阿須倫身高二萬八千里有高二萬四千里者有高二萬里者有高萬六千里者有高萬二千里者有高八千里者有高七聲者長六聲者五聲者四聲者三聲者二聲者最小者長一聲抄多戶利阿須倫宮有四品常持風持之何等爲四一者不可壞風二者堅住風三者持風四者上風是爲四品風主持水在上如浮雲矣

龍鳥品第六

佛告比丘言有四種龍何等爲四一者卵生種龍二者水生種龍三者胎生種龍四者化生種龍是爲四種龍佛語比丘金翅鳥有四種一者卵生種鳥二者水生種鳥三者胎生種鳥四者化生種鳥是爲四種鳥大海底須彌山北有娑竭龍王宮廣長八萬俞旬以七寶金銀水精瑠璃赤真珠門碑礧瑪瑙作七重壁金門瑠璃壁水精門水精壁瑠璃門赤真珠壁瑪瑙門瑪瑙壁赤真珠門碑礧壁一切寶門彩畫姝好其壁二萬里有一門門高二千四百里廣千二百里

789101234567892012345678930123456

其門常有五百鬼神守門門壁上有欄楯交露曲廂
蓋門邊有園觀浴池有種種樹出種種香有種種華
種種葉種種飛鳥相和而鳴大海北邊有難頭和難
龍王宮廣長各二萬八千里以七寶作七重壁欄楯
七重交露樹木周匝圍遶門高千四十里廣四百八
十里壁上有欄楯交露曲廂蓋周有園觀浴池樹木
飛鳥相和而鳴如娑竭龍王園觀難頭和難龍王北
有大樹名爲拘梨睞莖圍遶二百八十里高四千里
枝葉分布二千里拘梨睞樹東有卵種金翅鳥宮廣
長二十四萬里周有七寶七重壁欄楯交露樹木園

觀浴池華香飛鳥相和而鳴拘梨睞樹南有水種金
翅鳥宮廣長二十四萬里周有七寶七重壁欄楯交
露樹木園觀浴池華香飛鳥相和而鳴拘梨睞大樹
西有胎生種金翅鳥宮廣長二十四萬里周有七寶
七重壁欄楯交露樹木園觀浴池華香飛鳥相和而
鳴拘梨睞大樹北有化生種金翅鳥欲求取卵種龍時
萬里周有七寶七重壁欄楯交露樹木園觀浴池華
香飛鳥相和而鳴卵生種金翅鳥欲求取卵種龍時
從拘梨睞樹東枝下入大海以翅搏海水波八千里
取卵種龍食之不能得食胎種水種化種龍水種金

789 10 12 3 4 5 6 7 8 9 20 12 3 4 5 6 7 8 9 30 12 3 4 5 6

翅鳥欲求取卵種龍時便從拘梨睞大樹東枝下至
大海以翅搏海水波八千里取卵種龍食之水種金
翅鳥欲取水種龍時便從拘梨睞大樹南枝下入海
以翅搏海水波萬六千里取水種龍食之不能得食
胎種化種龍胎種金翅鳥欲取卵種龍時便從拘梨
睞大樹東枝下入海以翅搏海水波八千里取卵種
龍食之胎種金翅鳥欲取水種龍時便從拘梨睞大
樹南枝下至大海以翅搏海水波萬六千里取水種
龍食之胎種金翅鳥欲取胎種龍時便從拘梨睞大
樹西枝下入海以翅搏海水波三萬二千里取胎種

龍食之不能取化種龍食之化種金翅鳥欲取卵種
龍時便從拘梨睞大樹東枝下至大海以翅搏海水
波八千里取卵種龍食之化種金翅鳥欲取水種龍
時便從拘梨睞大樹南枝下入大海以翅搏海水波
萬六千里取水種龍食之化種金翅鳥欲取胎種龍
時便從拘梨睞大樹西枝下入大海以翅搏海水波
三萬二千里取胎種龍食之化種金翅鳥欲取化種
龍時便從拘梨睞大樹北枝下入大海以翅搏海水波
波六萬四千里取化種龍食之有餘龍王金翅鳥不
能得食者何等龍王金翅鳥不能得食者一者娑竭

789 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

龍王二者阿耨達龍王三者難頭和難龍王四者善見龍王五者提頭賴龍王六者伊羅慕龍王七者善住龍王八者迦拘龍王九者阿子樓龍王十者鬱旃鉢龍王十一者捷阿具曇龍王十二者監波龍王金翅鳥皆不能得取是諸龍王食之此諸龍王皆在山中居止若有婆羅門道人行求龍意奉龍戒行具足卽生龍中若有婆羅門道人行求金翅鳥意奉金翅鳥戒行求金翅鳥死已卽生金翅鳥中若有婆羅門道人行求憂留鳥意奉戒行具足從死後生憂留鳥中若有婆羅門道人行求牛意奉牛戒具足死後便

生牛中若有婆羅門道人行求狗道奉狗意戒行具足死後生狗中若有婆羅門道人行求鹿道奉鹿意戒具足死後生鹿中若有婆羅門道人行求雞道奉雞意戒具足死後生雞中若有婆羅門道人行求摩尼越天求女人者求大神者求日月者有日三過浴水中求生天者有事天者事日月者求生天者佛言是癡見者墮兩惡道一者泥犁二者畜生若有婆羅門道人說見如是我與世有常言我至誠其餘者爲癡有言我與世非常我至誠其餘者爲癡有言我與世亦

8890101234567892012345678930123456789

不有常亦不無常我至誠其餘者爲癡有言我與世
有限我至誠其餘者爲癡有言我與世無限我至誠
其餘者爲癡有言我與世有限無限我至誠其餘者
爲癡有言我與世亦不有限亦不無限我至誠其餘者
爲癡有言我有是身命我至誠其餘者爲癡有言
我有身死異我至誠其餘者爲癡有言無有身命我
至誠其餘者爲癡有言亦不有身命亦不無身命我
至誠其餘者爲癡有言人生時所從來死後亦趣彼
我至誠其餘者爲癡有言無所從來生死後亦趣彼
我至誠其餘者爲癡有言有所從來生無所從來生

死後亦趣彼我至誠其餘者爲癡有言亦不有所從
生亦不無所從生我至誠其餘者爲癡佛言其有婆
羅門道人言我於世有常我至誠其餘者爲癡其人
所行見有我有命有身見世間是故言我於世有常
有言我與世無常有言我與世有常無常有言我與
世亦不有常亦不無常各言我至誠其餘者爲癡其
人所見有我有命有身見世間是故言我與世有常
其有婆羅門道人言我與世有限我至誠其餘者爲
癡其人所見有我有命是故言命有限人有限在腹
中時死後冢間葬埋同等人從初生受身四分七反

7891011234567892012345678930123456789

生死以後得道是故言我與世有限有言我與世無限我至誠其餘者爲癡其人所見有我有命有身見世間言有命有人無限在人腹中時死後冢間葬埋同等從初生受身四分七反生死卽得道若有婆羅門道人說見言我與世有限無限其人所見有我有命有身見世間言命無限人有限在人腹中時死後葬埋同等從初生受身四分七反生死後得道人所見亦不有限亦不無限我及世者其人言命有限人在腹中時死後葬埋同等從初生受身四分七反生死後得道是故言亦不有限亦不無限若有婆羅門

道人所言見有是命有是身其人言今世命常在後世命常在是故言我至誠其餘者爲癡有道人所見命異人異其人言今有壽後世無有壽是故言我至誠其餘者爲癡若婆羅門道人言今見命盡死後世轉行生故言我至誠其餘者爲癡有婆羅門道人言亦不有命亦不有身今世命盡滅後世亦盡滅若有婆羅門道人所見言生所從來死亦趣彼者我至誠其餘者爲癡其人見今世有身命見後世有身命故言我至誠其餘者爲癡若有婆羅門道人所見言無所從來生死亦至彼亦不見今世有命亦不見後世

8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36

無命若有婆羅門道人所見言有從無所從來生死亦趣彼我至誠其餘者爲癡亦不見今世有身命亦不見後世有身命若有婆羅門道人所見言亦不見今世有身命亦非不見後世有身命佛告比丘乃往去世時有王名不現面爾時多聚會盲子便問盲子汝曹寧知象所類不盲子白言不知天王王言汝欲知象所類不白言欲知爾時勅使將象來令衆盲子捫之中有盲子捫象得鼻中有盲子捫象得牙中有盲子捫象得耳中有盲子捫象得頭中有盲子捫

象得背中有盲子捫象得腹中有盲子捫象得後腳中有盲子捫象得膝中有盲子捫象得前腳中有盲子捫象得尾時王不現面問衆盲子言象何等類得象鼻者言象如曲車轅得象牙者言象如杵得象耳者言象如箕得象頭者言如鼎得象背者言象如積得象腹者言象如壁得象後腳者言象如樹得象膝者言象如柱得象前腳者言象如臼得象尾者言象如蛇各各共爭象而不相信自呼爲是言象如是一人言不如是王歡喜笑佛言如是其有異道人不知苦諦所從起亦不知苦集諦苦盡諦苦滅道諦各各

7891011121314151617181920112131415161718193011213141516171819

諍不相信罵詈自呼爲是若有沙門道人知苦集盡滅道諦所從起便共和合同譬如乳一合無諍但說佛教行安隱佛言比丘當諦行是苦諦集盡道諦佛說樓炭經卷第二

音釋

竊

於皎切

噉

音嘔

剝

北角切

搔

蘇遭切

蹶

也

踝

居月切

也

巨塗切

鉗

鐵夾切

也

拘切

拗

於絞切

蹂

如又切

踐

也

銚

從弔切

梟

燒器也

梟

古堯切

搘

持切

碌

碌盧谷切

磧

徒谷切吳江居士沈瓚爲江居士沈瓚爲江居士沈瓚爲江居士沈瓚爲江居士沈瓚爲江居士沈瓚爲江居士沈瓚爲江居士沈瓚爲江居士沈瓚爲江居士沈瓚爲江居士沈瓚爲江居士沈瓚爲

佛說樓炭經卷第三
西晉三藏法師法立共法炬譯
高善士品第七
佛言凡夫有三事覺知高士知其所念何等爲三事
一者人心念善口言善至誠身行善假令惡人心不
念善口不言善身行不善高人知爲不善也所以言
高士者何人心念善口言善至誠身行善高人於世
間有三事得其福何等爲三事一者與耆老會坐若
於堂上里巷間行聞道中行及耆老共坐共稱譽高
士行善高士念言今衆人共稱譽人善哉卽有是高

人心卽安隱又聞此語心亦歡喜身亦安隱高人有時見處盜賊爲縣官所捕取酷毒法治之反縛鐵鑽斬其手足解解斷之截耳截鼻竹筆鞭之復寸寸斬之持餒虎狼中有令象蹈殺者中有持囊裹燒之者中有蒸殺之者中有生挖者有出城外殺者高士見之念言我不爲惡也王但取惡人耳我當何等憂乎我至老不憂縣官是高士用是故心歡喜高人心念善口言善身行善若有病瘦著牀困劣時強健時所作善悉在目前自見之人不殺生不取他人財物不犯人婦女不欺人不兩舌不惡口不妄言不嫉妬不

貪餘信作善得善作惡得惡卽自見第二忉利天上人往來見佛見阿羅漢諸強健時所作善皆在前見其人病者自念豈不我強健時所作善故至使衆善來見我前就使我死自當上天在善人之中用是三事高士其心歡喜身安佛言假令高善士自知作善當得善不得復畏死生也略無所在高善士常自欲遠去惡軀軀中有骨血不淨潔臭處意欲早死更就善軀所以者何以能念所樂可愛處歡喜獨上天爲樂可愛也最可喜諸沙門問佛願爲我說天上樂意云何佛言聽我說之諸沙門言受教佛言譬如遮迦

7891011234567892012345678930123456

越羅王有七寶持有四事餘人所無有又有五種所思所欲得皆在前王有七寶何等爲七寶一者自然生一金輪二者白象三者純紺色馬四者摩尼珠五者聖玉女六者聖輔臣七者聖主兵臣佛言汝欲知一金輪所主不王以月十五日晦日沐浴沐浴已於正殿與諸婦女共坐遙見金輪飛來輪有千幅輻轂皆正好無比常去地三四丈王見金輪便生意言諸高士云爲遮迦越羅王事有金輪飛來來者常從東方來有千幅輻轂正好有是金輪寶者當爲遮迦越羅王今我將得無當爲遮迦越羅王乎王自思念欲

試此金輪王起坐整衣服長跪向金輪言如今爲我來者當案行諸國故事法王言適竟金輪便東飛王傍諸大臣及官屬皆隨之飛金輪所止處王諸官屬亦隨其止金輪到國郡國諸王皆來長跪叩頭言此國界皆大王所有又持銀鉢盛滿金粟復以金鉢盛滿銀粟以上獻郡國諸王皆言此國中豐熟穀米平賤風雨時節人民熾樂大王可受國留於是王因報諸王言汝曹便自治國但以正法勿失政事慎無殺生無妄取他人財物無妄犯人婦女無得欺人無得兩舌無得惡口無得妄言無得嫉妒無得貪餘無得

789
101123456789201234567893012345678930

有言在多亦一
卷三
人民
瞋恚惡心也皆奉行此十事其有犯十事中一事者勿令在國中也大王隨金輪至東方教誠諸郡國諸王訖竟復隨金輪飛到南方金輪所止處大王與千乘萬騎共屯止南方郡國諸王皆復來叩頭長跪言願上郡國界及金銀鉢盛滿金銀粟所上獻物如東方諸國王之禮金輪復飛至西方傍臣及官屬悉復隨金輪所止西方郡國諸王皆來叩頭長跪言願上國界及金銀鉢盛滿金銀粟獻物復如南方諸王之禮金輪復飛到北方金輪所止大王及諸官屬亦隨金輪所止諸郡國諸王皆來叩頭長跪亦願上國界

人民熾樂米穀平賤風雨時節大王宜可案治於此又復以金銀鉢盛滿金銀粟上大王大王不受因報諸王曰汝曹皆自以正心治國勿失政事無得殺生無得取他財物無得犯人婦女無得欺人無得兩舌無得惡口無得妄言無得嫉妬無得貪餘無得瞋恚無得惡心皆奉行此十事其有犯十事中一事者勿令在國中也大王重令四海四方訖竟因隨金輪還故國上殿金輪常在王前見其王有是金輪寶如是王復有象寶象寶者何等類其象正白無比軀長以牙齒蹄足皆白膚好皆以金爲鞍勒當脣被腋皆以

88901234567892012345678930123456

黃金當驥帽額皆以白珠行卽飛行自在欲所到王
傍臣白王言賀大王國中白象寶其白絕麗無比軀
長牙齒蹄足皆白膚好皆以黃金爲鞍勒當脣襍版
皆以黃金當驥帽額皆以白珠行卽飛行自在所至
到王見象大歡喜言象有相殊好當教習令行步進
止王因付左右曉事者令教之數日之間皆習知行
步王意欲騎乘試象日出一竿王騎試之象因周旋
四方四海旋還故宮飲食遮迦越羅王有馬寶馬寶
者何等類馬卽紺色被髮澤好持頭如象金具馬鞍
勒襍腋帶皆黃金當驥帽額皆以白珠行卽飛行自

在所欲至到傍臣白王賀王國中有是馬寶卽紺色
被髮澤好持頭如象鞍勒襍腋及帶皆黃金當驥帽
額皆以白珠王見大歡喜卽復令左右教習之數日
間馬復習知行步王意欲試馬日出一竿王騎馬馬
卽飛行周市四方四海旋還故宮飯食遮迦越羅王
馬寶如是王有明月珠寶明月珠寶者何等類珠色
極青町釘八觚在宮中宮中皆明火燄所照周市四
十里如日之明王意欲試珠明人定已後陰冥如漆
以珠繫著金竿頭夜出城將妻子千乘萬騎離宮詣
諸署別觀珠明如日出令車騎殺明明復遠千乘萬

騎周市四十里城傍居民見珠明皆相謂起起日出
乃高如是各各自當趣市賣買何反欲臥遮迦越羅
王有摩尼珠寶如是王有聖玉女玉女者何等類耶
不長不短不大不小不肥不瘦不白不黑適得其中
絕端正無比口氣出如香熏舉身小毛孔皆香如鬱
金香事王晚臥早起承事不先王意冬時身則溫夏
則身涼事王常令王不瞋恚何況其身遮迦越羅王
有玉女寶如是王有聖輔臣大高遠見人便知性
以眼視天下豫知天下有珍寶藏物知有主名無有
主石有主名者爲其主護視之無主名者以給官用

聖輔臣前白王快自娛樂不須憂錢財寶物我自給
王王意疑聖輔臣所言所求者可得不王便與聖輔
臣共載一船到海中央王便語聖輔臣言我欲得寶
物今於此間與我聖輔臣言須我出在陸地可得王
曰我在陸地不用也欲於此得之耳聖輔臣便以手
抄水中得金寶大如車輪以著船上不可勝數王言
止止船滿且重遮迦越羅王聖輔臣如是王有持兵
導道聖臣持兵導道聖臣者何等類高才勇健無所
不知當欲起兵無央數不欲起兵則止持兵導道臣
白王言今王快自娛樂勿憂國事王當用兵者我自

89601234567892012345678930123456789

戰鬪王意欲試導道聖臣便取國中人馬象皆被鎧
乃得自副步兵被鎧刀兵自副王心自念言令是兵
出行快耶王心甫念兵便前行王念言欲令兵止兵
卽復止王意念言使兵罷去兵卽罷去遮迦越羅王
導道主兵臣如是遮迦越羅王有七寶如是王有四
事與凡人有異何等爲四一者年壽無央數人中無
有壽如遮迦越羅王者二者常安隱未嘗有病時飲
食皆消身體寒溫適時人中安隱無過遮迦越羅王
者三者端正無比過於世間人但不如天人四者萬
姓皆愛王視王皆如父母王愛萬姓如父母愛其子

偶出到諸署別觀萬姓謂王御者言令車徐行我欲
視王無厭極也呪願王令壽無極王復語御車者徐
行我欲見我國人民使子壽無極遮迦越羅王有是
四事凡人所無王有五願願所思常在前心所喜舌
所喜目所喜所好所愛皆在前耳所聞聲歌舞善聲
鼻所聞香腹中所喜鼻聞芬芳皆在前口所嗜醯醋
耳辯諸美物皆在前名清淨細靡所喜皆在前是遮
迦越羅王五所思也王目未曾見惡色耳未曾聞惡
音鼻未曾聞臭處口未曾食不齒之物身未曾衣麤
惡之衣佛告諸沙門如是遮迦越羅王有七寶琦物

8890 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

有四特異之相有五種之思汝以王爲心喜樂之不
諸沙門對曰王但有一寶心喜樂之何況有七寶乎
佛持一小石著手中問諸沙門我手中石爲大山爲
大乎諸沙門言佛手中石小小奈何比山乎百倍千
倍萬倍億倍尚不如山大也佛言如我手中小石大
不如山也百倍千倍萬倍億倍千萬倍億萬倍尚不
如山大也遮迦越羅王有七寶四異相有五種所思
不如天上樂百倍千倍萬倍億倍千萬倍譬如佛
手中小石與大山佛言高善士於世間心念善口言
善至誠身行善於世間壽命盡死後皆上第二忉利

天上生作天人於世間百歲爲忉利天上一日一夜
世間二千歲爲忉利天上一月世間三萬六千歲爲
忉利天上一歲如天上計第二忉利天上人壽千歲
忉利天外門廣七百里外城壁七重有七重渠水水
中皆各有四色蓮華水底皆有金沙城上各有欄楯
皆金銀瑠璃水精城門皆有金銀水精爲欄也七重
地各有七寶樹金樹銀樹瑠璃樹水精樹珊瑚樹琥
珀樹碑礎樹金樹者金根金莖銀葉銀華銀實銀樹
者銀根銀莖金葉金華金實瑠璃樹者瑠璃根瑠璃
莖水精葉水精華水精實水精樹者水精根水精莖

8890101234567892012345678930123456789

瑠璃葉瑠璃華瑠璃實珊瑚樹者珊瑚根珊瑚莖琥珀葉琥珀華琥珀實琥珀樹者琥珀根琥珀莖碑碣瑪瑙華瑪瑙實城門深二百八十里高六百四十里門楣額皆銀也金作門兩扇關皆金也有五百鬼守外門宮中間天所止處縱廣二千里有壁皆七寶也金銀水精瑠璃珊瑚琥珀碑碣七重水遶壁七重寶樹如外門高六百四十里深二百八十里以銀爲楣額金門扇金門關五百鬼共守門天所止處縱廣二千里有七種寶壁七重七重渠水諸欄楯寶樹如外

門高廣深如外門守門鬼數如外門忉利天東出有遊戲處名曰離檀桓盧周市七億里七重壁金壁銀壁珊瑚壁瑠璃壁琥珀壁碑碣壁水精壁有七渠水底沙皆金也有四蓮華城上有七寶欄楯七重壁各有七寶樹金樹者金根金莖銀葉銀華銀實銀樹者銀根銀莖金葉金華金實水精樹者水精根水精莖瑠璃葉瑠璃華瑠璃實瑠璃樹者瑠璃根瑠璃莖水精葉水精華水精實盧大道廣六百四十里道兩邊七重壁皆金銀水精瑠璃琥珀珊瑚碑碣一壁間皆有渠水水中有四色蓮華其水底皆有金沙壁上

10 11 12 13 14 15 16 17 18 19 20

30

1 2 3 4 5 6 7 8 9 10 11 12 13 14 15 16 17 18 19 20

有欄楯皆七寶如中面有七寶樹金樹銀樹水精樹
瑠璃樹琥珀樹珊瑚樹碑碣樹其廬中有兩石一石
名難一石名難遠縱廣各四千里其石輒且細如綻
綻廬中有兩浴池一浴池名難陀一名難陀尼縱廣
各四千里池中生四色蓮華其一者青色二者紅色
三者紫色四者白色其水底沙皆金也忉利天欲遊
戲時便相將詣東廬相娛樂極意是故字爲離檀桓
廬也出忉利南城門名爲質羅瀨周市七億里其廬
壁水精壁金壁銀壁瑠璃壁琥珀壁珊瑚壁碑碣壁
一壁間者各有一渠水水中四色蓮華其水底沙皆

金也有七寶樹金樹銀樹瑠璃樹水精樹琥珀樹珊瑚
樹碑碣樹其壁上皆金銀瑠璃水精珊瑚琥珀碑
碣欄楯質羅瀨廬道廣六百四十里皆七重壁金銀
水精瑠璃珊瑚琥珀碑碣壁一壁間者有一渠水水
中有四色蓮華青紅紫白其水底沙皆金也有七寶
欄金欄銀欄水精欄瑠璃欄珊瑚欄琥珀欄碑碣欄
碑碣樹其廬中有兩石縱廣各四千里細且輒如綻
綻一名質羅二者名質多譯羅其廬中兩浴池一名
質多二者名質兩池中有四色蓮華青紅紫白其水

8890 12345678920 12345678930 12345678940 12345678950

底皆金沙其盧中有四種寶樹金銀樹水精琉璃樹

忉利天出到質羅瀨盧上戲自相娛樂娛樂無極諸

四寶照諸天人令正偏爛色是故名爲質羅瀨

質羅者偏盧也忉利天北出城門有盧名爲頗類縱廣七億里

七重寶壁七重水水底皆金沙欄楯如南方其盧道

廣六百四十里盧中有兩石縱廣各四千里一者名

迦羅二者名迦羅尸羅細軟如綻綻有兩浴池縱廣

四千里一池名乾陀二名乾陀起有四色蓮華青紅

紫白忉利天欲戲頗類盧時形體便僵如人沐浴已

後身體皆滑忉利天人北入盧身體皆滑是故名爲

頗類盧也忉利天西出盧名爲彌尸耶遠縱廣七億
里有七重壁七渠水七寶樹七寶欄楯四色蓮華水
底皆金沙如北方其道廣六百四十里七重寶壁七
渠水七寶樹七寶欄楯四色蓮華水底皆金沙如北
方盧中有兩好石各縱廣四千里細軟如綻綻一者
名北羅二者名北羅越有兩浴池縱廣各四千里其
池中有四色蓮華青紅紫白水底皆金沙一池名波
戶二名爲雲忉利天欲行到彌尸耶遠盧戲時忉利
天上無有尊卑貧富豪弱皆得入彌尸耶遠盧是故
名爲彌尸耶遠盧忉利天上宮中中庭殿前有百種

色寶物在王前自布地宮中有七百樓陛金陛銀陛
瑠璃陛水精陛一陛下者各有十六瑠璃柱照之宮
中有四坐牀金牀銀牀水精牀瑠璃牀以天坐其上
念萬姓善亦念諸天善天王所止處殿名爲提延其
殿上有百巷巷有百室室有七玉女玉女各有七御
者其殿紺瑠璃色及諸天皆遶殿南方有樹名爲波
質拘着羅樹根入地二百里上枝四出樹高四千里
東西二千里南北二千里樹當華時風從上吹華香
下行四千里逆風行二千里樹當華時諸天共坐樹
下自相娛樂百二十日天上百二十日爲世間萬二

千歲諸天欲以白寶象戲象名曰倪羅遠象自化作
三十二頭頭有六牙牙化作七浴池浴池中各作七
蓮華蓮華枝有千葉一華上者有一玉女舞五所思
皆在前極意人於世間雖作善不能多者心念作善
少口言善少身行善少雖生忉利天上不能得入東
離檀桓盧也不能得入南質羅瀨盧也不能得入北
頗類盧也不能得入西彌尸耶遠盧也不能得入香
華波質拘着羅樹下但得遙觀不得前入譬若遮迦
越羅王所止飯食諸外宮不得妄入天上諸天不得
觀者如是人於世間作善心念善口言善至誠身行

8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6

善壽終已後便當得上忉利天高善士上忉利天極
壽死後復下生在世間便爲王侯家作太子富貴多
寶物爲人端正譬如若喜掩人初得大金錢金銀珠寶
奴婢車馬妻子田宅廬舍舉有名字其人自思惟言
我不賈作販賣亦不耕田自致有財我但戲耳至使
得金銀珍寶舍宅田地至使有名字爲富貴也佛言
如戲兒得利如此爲少薄耳不如此爲少薄耳不如
心念善口言善身行善得利勝於掩者也所以者何
行是三事死後上忉利天是高士也佛語諸沙門今
我爲汝曹說二道愚癡之道高善士之道今汝曹自

在從何道今我作佛爲汝曹說難易佛言汝曹當於
山中若於樹下空室中若於冢間水所塘換處自念
五內早索泥洹之道佛言是我教也諸沙門皆叉手
受教言諾各前爲佛作禮

四天王品第八

佛語比丘須彌山王東去須彌山四萬里有提頭賴
吒天王城郭名賢上王處廣長二十四萬里以七寶
作七重壁七重欄楯七重交露七重行樹殊好周市
圍遶金壁銀門銀壁金門瑠璃壁水精門水精壁瑠
璃門赤真珠壁瑪瑙門瑪瑙壁赤真珠門碑磲壁一

切寶門金欄楯者金柱狀銀桃銀欄楯者銀柱狀金

桃瑠璃欄楯者瑠璃柱狀水精桃水精欄楯者水精

柱狀瑠璃桃赤真珠欄楯者赤真珠柱狀瑪瑙桃瑪

瑙欄楯者瑪瑙柱狀赤真珠桃碑碣欄楯者碑碣柱

狀一切寶桃金交露銀垂絡銀交露金垂絡瑠璃交

露水精垂絡水精交露瑠璃垂絡赤真珠交露瑪瑙

垂絡瑪瑙交露赤真珠垂絡碑碣交露一切寶垂絡

金樹者金莖根銀枝葉華實銀樹者銀莖根金枝葉

華實瑠璃樹者瑠璃莖根水精枝葉華實水精樹者

水精莖根瑠璃枝葉華實赤真珠樹者赤真珠莖根

瑪瑙枝葉華實瑪瑙樹者瑪瑙莖根赤真珠枝葉華
實碑碣樹者碑碣莖根一切寶枝葉華實門上有曲
廂蓋交露下有園觀浴池有種種樹種種葉種種華
種種實種種香出種種飛鳥相和而鳴須彌山王南
去四萬里有毗留勒又天王城郭名善見廣長二十
四萬里王處亦有七寶七重壁七重欄楯七重交露
七重行樹周帀圍遶姝好門上有曲廂蓋交露下有
園觀浴池樹木飛鳥相和而鳴須彌山王西去四萬
里有天名毗留博又有城郭廣長二十四萬里王處
亦有七寶七重壁七重欄楯七重交露七重樹木周

東京大学総合図書館所蔵

7890
10
112345678920
12345678930
12345678940
12345678950
12345678960
12345678970
12345678980
12345678990

市圍遶姝好門上有曲廂蓋交露下有園觀浴池樹木飛鳥相和而鳴須彌山王北去四萬里有天王名毗沙門有三城郭廣長各二十四萬里王處一者名沙摩二者名披迦羅曰三者名阿尼槃亦有七寶作七重壁七重欄楯七重交露七重行樹周市圍遶姝好門上有曲廂蓋交露下有園觀浴池樹木飛鳥相和而鳴阿尼槃王處東毗沙門天王有山名迦比延高廣長四千里以四寶金銀水精瑠璃作之山周市有垣牆廣長二萬里以七寶作七重壁七重欄楯七重交露七重行樹周市圍遶姝好四面有門以四寶

作上有曲廂蓋交露下有園觀浴池樹木飛鳥相和而鳴迦比延山阿尼槃王處北有毗沙門天王浴池名那利廣長二千里周市有垣牆水底皆金沙水涼且清浴池周市以四寶作四重壁欄楯交露樹木姝好中生青蓮華黃蓮華白蓮華赤蓮華光照二十四里香亦聞二十四里浴池周市有階毗沙門天王欲至迦比延山遊戲相娛樂卽時念提頭賴吒天王提頭賴吒天王卽言毗沙門天王已念我故卽時莊嚴衣被冠幘嚴駕與無央數捷沓和百千周市圍遶從賢上城出往至毗沙門天王所在前住爾時毗沙門

天王念毗留勒又天王毗留勒又天王卽時念言毗
沙門天王已念我便著衣冠幘嚴駕與無央數千
鬼神從須卑旃城出往至毗沙門天王所在前住爾
時毗沙門天王念毗留博又天王毗留博又天王卽
自念毗沙門天王已念我便著衣被冠幘嚴駕與無
央數百千龍俱從末利旃城出周市圍遶往至毗沙
門天王所在前住爾時毗沙門天王著衣被冠幘嚴
駕與諸天王無央數百千諸鬼神俱往至迦比延山
時風吹掃迦比延山地風吹山中樹華散地四天王
便共入迦比延山相娛樂快共飯食一日二日至七

日以後各自罷去

佛說樓炭經卷第三 師法立共法炬譯

音釋

大品第九

鑽

之日切

筭

邊迷切

餽

於僞切

膚

丑恭切

脢

切

脢

袵

胡切

落

也

臚

莫格切

切

髮

子公切

叮

他頂切

也

常惄切

殺

殺所介切

明

衰少切

嗜

常利切

譯

署

常惄切

部

署

也

殺

殺所介切

明

衰少切

譯

吳江居士沈贊爲亡妻王氏母子施贊刻此
佛說樓炭經第三卷計字六千零五十二個該
銀三兩零三分
武林釋大能對上元陶邦本書江寧劉仕任刻
萬曆己酉歲冬十月徑山寂照庵識

9891011234567892012345678930123456789

經
卷第
西晉三藏法師法立共法炬譯
忉利天品第九
佛語比丘須彌山頂上有忉利天廣長各三百二十萬里上有釋提桓因城郭名須陀延廣長各二百四十萬里七重壁七重欄楯七重交露七重行樹周而圍遶殊好皆以七寶作之金銀瑠璃水精赤明珠碑礫瑪瑙金璧者銀門銀璧者金門瑠璃璧者水精門水精壁者瑠璃門赤明珠壁者瑪瑙門瑪瑙壁者赤真珠門碑礫壁者一切寶門金欄楯者金柱狀銀桃

銀欄楯者銀柱狀金桃琉璃欄楯者琉璃柱狀水精
桃水精欄楯者水精柱狀琉璃桃赤真珠欄楯者赤
真珠柱狀瑪瑙桃瑪瑙欄楯者瑪瑙柱狀赤真珠桃
碑磲欄楯者碑磲柱狀一切寶桃金交露者銀垂絡
銀交露者金垂絡琉璃交露水精垂絡水精交露瑞
璃垂絡赤真珠交露瑪瑙垂絡瑪瑙交露赤真珠垂
絡碑磲交露一切寶垂絡金樹者金根莖銀枝葉華
實銀樹者銀根莖金枝葉華實琉璃樹者琉璃根莖
水精枝葉華實水精樹者水精根莖琉璃枝葉華實
赤真珠樹者赤真珠根莖瑪瑙枝葉華實瑪瑙樹者
瑪瑙根莖赤真珠枝葉華實碑磲樹者碑磲根莖一
切寶枝葉華實其壁高二千四百里廣千二百里其
門高二千四百里廣千二百里壁相去二萬里有一
門門各各常有五百鬼神守忉利天門門上有曲廂
蓋樓觀交露下有園觀浴池有種種樹樹有種種葉
華實出種種香種種飛鳥相和而鳴須陀延城中有
伊羅滿龍王宮廣長各二十四萬里皆以七寶金銀
水精琉璃赤真珠碑磲瑪瑙作七重欄楯七重交露
七重行樹須陀延城中有忉利天帝叅議殿舍廣長
各二萬里高四千里以七寶作七重欄楯七重交露

七重行樹周市圍遶二萬里殿舍上有曲廂蓋交露
樓觀以水精瑠璃爲蓋黃金爲地殿舍中柱周四百
八十里門高四千里以七寶作之中有天帝釋座廣
長各四十里皆以七寶作座甚柔軟兩邊各十六座
殿舍北有天帝釋後宮廣長四萬里皆以七寶作七
重壁七重欄楯七重交露七重行樹周市圍遶甚殊
好殿舍東有帝釋園觀名麤堅廣長各四萬里亦以
七寶作七重壁欄楯交露樹木周市圍遶甚殊好門
高千二百里廣長八百里門上有曲廂蓋交露樓觀
下有圓觀浴池中有種種樹木葉華實種種飛鳥相

和而鳴麤堅園觀中有香樹高七十里皆生華實擘
者出種種香有樹高二十里三十里至六十里者最
卑者高十三里百二十步次有瓔珞樹高七十里者
有高二十里三十里至六十里最卑者高十三里百
二十步皆生華實擘之出種種瓔珞次有衣被樹次
有不息樹器樹音樂樹高七十里者有高二十里三
十里至六十里最卑者高十三里百二十步皆生華
實擘者出種種衣被瓔珞不息器音樂樹麤堅園觀
中有兩石一者名賢二者名賢善以天金作石甚殊
好殿舍南有天帝釋園觀名樂畫廣長各四萬里皆

以七寶作七重壁欄楯交露樹木有門高千二百里
門上有曲廂蓋交露樓觀下有園觀浴池有種種樹
葉華實浴池中有飛鳥相和而鳴樂畫園觀中有兩
石一者名畫二者名善畫廣長各二千里石甚柔軟
樂畫園觀中有香樹次有瓔珞樹不息樹音樂樹樹
高七十里者有高二十里三十里至六十里最卑者
高十三里百二十步皆生華實肇出種種香衣被瓔
珞不息器音樂忉利殿東有天帝釋園觀名憤亂廣
長各四萬里皆以七寶作七重壁欄楯交露樹木周
帀圍遶門高千二百里廣八百里上有曲廂蓋交露

樓觀下有園觀浴池有種種樹葉華實出種種香種
種飛鳥相和而鳴諸樹所出生亦如南方樂畫園中
有兩石忉利天殿舍西有園觀名歌舞廣長各四萬
里亦以七寶作七重壁欄楯交露樹木周帀圍遶門
高千三百里廣八百里上有曲廂蓋交露樓觀下有
園觀浴池有種種樹葉華實種種飛鳥相和而鳴
歌舞園中有兩石一者名難陀二者名和難廣長各
二千里皆以天瑠璃作之甚柔軟憤亂樂畫園觀中
有浴池名難陀廣長各二萬里周帀圍遶七重垣其
池中水軟美且清有種種樹周帀圍遶水底沙皆金

以七寶作七重欄楯交露樹木周帀圍遶有曲廂蓋
交露樓觀下有園觀浴池中有種種樹葉華實出種
種香種種飛鳥相和而鳴難陀浴池中有青蓮華紅
蓮華黃蓮華白蓮華大如車輪其莖如車轂刺出其
汁如乳其光照四十里香亦聞四十里歌舞憒亂園
觀中有大樹名晝過度莖圍二百八十里高四千里
枝葉分布二十里忉利諸天有宮廣長四十萬里皆
以七寶作七重欄楯交露樹木周帀圍遶園觀浴池
種種飛鳥相和而鳴種種樹葉華實出種種香忉利
天宮有廣長各三萬六千里者有天宮廣長三萬二
千里者有天宮廣長二萬八千里者有天宮廣長二
萬四千里者有天宮廣長二萬里者有天宮廣長萬
六千里者有天宮廣長萬二千里者有天宮廣長八
千里者最小者廣長四十里中復有天宮廣長三千
六百里者三千二百里者下至四百八十里皆以七
寶金銀水精瑠璃赤真珠碑磲瑪瑙作七重欄楯交
露樹木園觀浴池種種飛鳥相和而鳴忉利天殿舍
前有兩道至天帝釋後宮復有兩道至麤堅園觀復
有兩道至樂畫園觀復有兩道至憒亂園觀復有兩
道至歌舞園觀復有兩道至難陀浴池復有兩道至

晝過度大樹復有兩道至諸天宮復有兩道至伊羅
滿龍王宮天帝釋欲至麤堅園觀遊戲相娛樂時念
諸天王爾時諸天王言天帝釋以念我等便整衣服
著冠幘莊嚴乘騎卽共往至天帝釋所在前住爾時
天帝釋復念忉利天爾時忉利天人言天帝釋以念
我等便著衣服莊嚴種種乘騎往至天帝釋所在前
住爾時天帝釋復念伊羅滿龍王時伊羅滿龍王言
天帝釋以念我等便化作三十二頭象一一頭化作
六牙一一牙上化作七浴池一一浴池中化作七蓮
華一一蓮華上化作七玉女作妓樂伊羅滿龍王以

是種種作神化往至天帝釋所在前住爾時天帝釋
整衣服著冠幘蹈龍王肩上坐其頂上兩邊各有十
六小王侍坐天帝釋便往至麤堅園觀中爾時開門
風開麤堅園觀門掃除風便起吹園觀地伊羅風生
吹園觀中樹華散地至于入膝時天帝釋與諸天俱
入園觀中便坐賢善石上賢善石上兩邊各有十六
小王坐爾時天帝釋欲得瓔珞持遺舍鉢天子化作瓔珞持
天子言天帝釋以念我便化作瓔珞持往奉上天帝
釋忉利天人欲得瓔珞時遺舍鉢天子化作瓔珞持
上忉利諸天有天人不得見麤堅園觀亦不得入中

889 10 1123456789 20 1123456789 30 1123456789

亦不得以天樂相娛樂所以者何前世所作功德少
有忉利天人但得遙見麤堅園觀亦不得入亦不得
以天樂相娛樂所以者何前世所作功德復少中有
得入以天樂相娛樂所以者何前世所作功德具足
故爾時天帝釋與忉利天人在麤堅園觀中相娛樂
飲食一日二日至七日便出去至樂畫園觀中相娛樂
樂亦如是復至憒亂歌舞園觀中飲食相娛樂亦如
是何以故言善等天人入忉利天宮時念善哉安樂
是故言善等何以故言麤堅忉利天人入麤堅園觀
中時身便麤堅是故言麤堅何以故言樂畫忉利天

人入樂畫園觀中時身便自然種種畫色故言樂畫
何以故言憒亂忉利諸天人入憒亂園觀中時天帝
釋月八日十四日十五日便捨妓女獨將阿須夫人
遊行爾時諸天子與妓女相雜錯憒亂行是故言憒
亂何以故言歌舞忉利諸天人入歌舞園觀中時便
歌舞相娛樂是故言歌舞何以故言畫過度大樹有
天名聞陀在上居止畫大五樂甚相娛樂以是故言
畫過度復次畫過度大樹常有華實譬如加尼樹是
故言畫過度天帝釋邊常有十天子擁護之一者名
根二者名具戒三者名比流四者名比流藏五者名

阿流六者名波流七者名利桓八者名樓漢九者名拘和羅十者名難是十天子常擁護天帝釋天下人水中生好青蓮華紅蓮華黃蓮華白蓮華甚香好陸地華亦甚軟好名阿蹄勿占陀波羅須和師陀奴末俱耶尼天下人鬱單越東方弗干逮天下人地亦如是龍及金翅鳥水中生青蓮華紅蓮華黃蓮華白蓮華甚柔軟香好及陸地有諸蓮華阿須倫水中亦有青紅黃白蓮華柔軟甚香好陸地亦有好華名摸大摸加加大加加漫陀大漫陀四王天上天水中生蓮華青紅黃白蓮華甚柔軟香好陸地生華亦好忉利

天燄摩天兜率天無貢高天他化自轉天水中亦有青紅黃白蓮華甚柔軟香好陸地華亦好此間人有七種色有赤色者有金色者有青色者有黃色者有白色者有黑色者有紫色者是爲七種色人阿須倫亦如是有七色諸天亦爾皆有七色諸天有十事將何等爲十一者飛行無極二者往還無極三者諸天無盜賊四者不自說身善亦不說他人惡五者無有相侵六者諸天齒等而通七者髮辯青色滑澤長八尺八者天人青色髮者身亦青色九者欲得白者身卽白色十者欲得黑色者身卽黑色是爲諸天十法

889101234567892012345678930123456789

事此人間螢火之明不如燈火之明燈火之明不如炬火之明炬火之明不如大火之明大火之明不如星之明星之明不如月之明月之明不如日之明日之明不如四天王宮之明四天王宮之明不如日之明天宮之明忉利天宮之明不如天帝釋宮之明如是展轉不相如上至阿迦尼吒天宮之明阿迦尼吒天宮之明不如摩伊破天子之明摩伊破天子之明不如苦諦集盡道諦之明苦諦集盡道諦之明不如佛之明闍浮利天下人身長七尺或有至八尺者衣廣一丈長六尺俱耶尼天下人弗干逮天下人身長七

尺或至八尺者衣廣一丈長六尺鬱單越天下人身長一丈四尺衣廣二丈八尺長一丈四尺衣重二兩半龍及金翅鳥身高四十里衣廣八十里長四十里衣重二兩半諸阿須倫本身高四十里衣廣八十里長四十里衣重二兩半四天王天上天人本身長二十里衣廣四十里長二十里衣重二兩半忉利天人本身長四十里衣廣八十里長四十里衣重七銖半燄摩天上人本身長八十里衣廣百六十里長八十里衣重半兩兜術天人本身長百六十里衣廣三百二十里長百六十里衣重兩銖樂無貢高天人本身

789
10 11 12 13 14 15 16 17 18 19 20 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

長三百二十里衣廣六百四十里長三百二十里衣重一銖他化自轉天人本身長六百四十里衣廣千二百八十里長六百四十里衣重半銖過其上諸天人所著衣應其身間浮利天下人壽百歲或長或短俱耶尼天下人壽二百歲或長或短弗于逮天下人壽三百歲或長或短鬱單越天下人皆壽千歲無有中死者龍及金翅鳥壽一劫亦有中死者阿須倫天下人壽千歲亦有中死者四王天上諸天人壽天上五百歲亦有中死者忉利諸天人壽天上千歲亦復有中夭者餞摩天上諸天人壽天上二千歲亦有中

夭者兜率天上諸天人壽天上四千歲亦有中夭者樂無貢高諸天人壽天上八千歲亦有中夭者他化自轉天上諸天人壽天上萬六千歲亦有中夭者梵迦夷天上諸天人壽一劫亦有中夭者阿波波天上諸天人壽二劫亦有中夭者首陀行天上諸天人壽四劫亦有中夭者惟呼鉢天上諸天人壽天上八劫亦有中夭者無想天人及餓鬼壽天上七萬劫亦有中夭者阿比波天上諸天人壽十劫亦有中夭者阿答和天上諸天人壽二十劫亦有中夭者修陀旃天上人壽四十劫亦有中夭者須陀旃尼天上諸天人

889 10 11 12 13 14 15 16 17 18 19 20 11 12 13 14 15 16 17 18 19 20 11 12 13 14 15 16 17 18 19 20

壽八十劫亦有中天者阿迦尼吒天上諸天人壽百六十劫亦有中天者虛空知天上諸天人壽萬劫亦有中天者識知天上諸天人壽二萬劫亦有中天者無思阿竭若然天上諸天人壽四萬劫亦有中天者無思想亦有思想天上諸天人壽八萬劫無有中天者佛言爲人民四種食生以堅立身何等爲四一者見取食二者溫食三者意食四者識食是爲四種食何等爲見取食閻浮利天下人食米飯麩麩肉魚衣被沐浴以是安隱食西方耶尼東方弗干遠天下人亦如是鬱單越天下人食淨潔自然粳米是爲見取食及

澡浴龍及金翅鳥食魚鼈及食提米提歷大魚是爲取食及澡浴阿須倫食自然食及衣被澡浴四天王諸天食自然食衣被及澡浴忉利諸天亦食自然食衣被及澡浴燄摩天兜率天無貢高天他化自轉天人皆食自然之食及衣被沐浴從他化自轉天以上用禪好喜作食以定意作食何等人食溫食卵種之類食溫食是爲溫食也何等爲意念作食者其有意念肉食想是爲以意念作食何等爲識食者泥犁中人及無想天人以識作食是爲識食是爲四種食爲人民故生以堅立身命閻浮利天下人以金銀珍寶

米穀錢財生口市買賈販俱耶尼天下人以牛馬米
穀珠玉作市販賣弗于逮天下人以金銀珍寶米穀
錢財生口市買賈販鬱單越天下人無市買賈販諸
天亦爾閻浮利天下有男女婚姻之事俱耶尼弗于
逮天下人亦有男女婚姻之事鬱單越天下人無婚
姻之事若男子起姪泲意向女人時相視便度道去
男子在前女人在後有樹曲合如交露北方天下人
在其中止男女各異處便共往至其樹下若樹低蔭
覆其人上便共交通樹不覆人上者不行交通之事
各自別去龍及金翅鳥有男女子人婚姻之事阿須
倫亦有男女婚姻之事從是以上無有婚姻之事閻
浮利天下人男女共居止交通俱耶尼弗于逮鬱單
越天下人男女行陰陽之事龍及金翅鳥男女亦有
陰陽之事諸阿須倫男女亦行陰陽之事四天王天
上人男女亦行陰陽之事忉利天上人男女以風爲
陰陽之事談摩天人男女以相近成陰陽之事兜率
天人男女相牽手便成陰陽無貢高天人男女相視
便成陰陽他化自轉天人念姪欲便成陰陽從是以
上離於欲其有人身行惡口言惡心念惡從是人間
命盡墮泥犁中受命及得名色從名色得六入有人

身行惡口言惡心念惡從是人間命盡墮畜生受命及得名色從名色得六入其有人身行惡口言惡心念惡從是人間命終墮餓鬼中受命得名色得六入其有人身行善口言善心念善命盡便生爲人受命得名色從名色得六入其有人身行善口言善心念善從是人間命盡從生四王天上受命得名色從名色得六入譬如閻浮利天下人小兒年一歲若一歲半人如生天上作天子如是諸天憶如是我男女適生天上便自知宿命我用何等因緣得來生此卽自說我用三事實得生此何等爲三二者布施

二者持戒三者棄惡是爲三我天上壽盡當復還生世間在人間亦復身行善口言善心念善終亡已後當復還天上生天子說是已便念欲得食卽自然滿寶器食在前福德少者自然青飯食在前福德中者自然赤飯食在前福德上者自然白飯食在前天人便取食之時於口中自消盡譬如若麻油著火上卽消滅天人食時如是於口中便自消滅渴時卽自然滿寶器甘露漿在前福德少者自然青色漿在前福德中者自然赤色漿在前福德上者自然白色漿在前便取飲之於口中自消滅譬如酥麻油著火上卽

消滅如是天人飲漿時便於其口中自消滅飲食竟已卽長大如四天王天上餘天人便往至浴池中浴自娛樂從浴池出往至香樹下取種種香塗身往至瓔珞樹下樹自低便取冠幘瓔珞著之復至衣服不息樹下樹自低便取衣服不息著之復至器果音樂樹下樹自低便取器取果食之清其汁飲之復取音樂鼓之自隨其歌舞往入園觀舍宅見無央數百千玉女作音樂歌舞相娛樂觀東面玉女便忘西面玉女觀西面玉女便忘東面玉女天子便自念言我前世用何等因緣故得來生此間今時皆忘前世事坐

見玉女故姪亂失意玉女名不念所以名不念者用男子見失意故其有人身行善口言善心念善於是人間命盡生忉利天上時譬如閻浮利天下人二歲若三歲身長大如是諸天憶知是我男是我女天子便自念宿命何以故得生此用布施持戒棄惡故欲得飲食時便自然滿金器在前隨福德上中下生白衣青在前便取飲食之於口中自消盡譬如持酥麻油著火上卽自消滅天人飲食時如是食已身卽長大譬如忉利天人便往至浴池中洗浴自娛樂出往至香樹瓔珞衣被不息器果音樂樹下樹枝自低卽

889 10 12 3 4 5 6 7 8 9 20 12 3 4 5 6 7 8 9 30 12 3 4 5 6 7 8 9

取香塗身取瓔珞不息衣被著之取器食果取音樂
鼓之歌舞入園觀舍宅見無央數百千玉女便忘前
世因緣不能復念其有人身行善口言善心念善從
是人間命盡便上生燄摩天上受命適生時其身如
閻浮利天下人三歲四歲天子身自然長大如是亦
復自念前世布施持戒棄惡故得生天上欲得飲食
時亦自然寶鉢滿在前便飲食卽口中消盡譬如持
酥麻油著火上卽消滅食已入浴池洗浴出至諸樹
樹枝自低取其所有飲食作音樂歌舞入園觀舍宅
見無央數百千玉女其意擾亂不復念宿命之事其

有人身行善口言善心念善從是人間命盡便上生
兜率天上適生身體長大如閻浮利天下人四歲五
歲亦自知前世所作布施持戒棄惡亦食自然之飲
食身卽長大如餘天人往至浴池洗浴出到諸樹下
各取所有作妓樂歌舞入園觀舍宅見無央數百千
玉女煩亂其意不能復念宿命其有人身行善口言
善心念善命盡生無貢高天上適生身長大如閻浮
利天下人五六歲若生他化自轉天上適言生身如
閻浮利天下人六七歲身卽長大自知宿命布施持
戒棄惡亦食自然飲食入浴池洗浴出至諸樹間樹

枝自低各取所有衣被瓔珞不息著之取器食果作音樂歌舞入園觀舍宅見無央數百千玉女煩亂其意不能復念宿命佛言十五日有三齋何等爲三齋月八日十四日十五日是爲三云何爲月八日齋月八日齋時四王告使者言往案行四天下觀視萬民知世間有孝順父母者不有承事沙門婆羅門道人者不有敬長老者不有齋戒守道者不有布施者不信今世後世者不使者受教四布案行天下還具白言多有不孝父母不敬事沙門婆羅門道人長老不齋戒布施四天王聞之卽不歡喜說言今我聞惡

語是爲減損諸天增益阿須倫種若多有孝順父母沙門婆羅門道人長老者多有齋戒布施信今世後世者具白之四天王聞之卽大歡喜說言我今聞善言用人多有作善者增益諸天減損阿須倫種是爲月八日齋十四日齋云何十四日齋時四天王自告太子四布案行天下觀視萬民還具白意言多有作惡者四天王聞則不歡喜說言人多有惡者減損諸天增益阿須倫種得善多者四天王則喜言增益諸天減損阿須倫種是爲十四日齋法云何爲十五日齋十五日齋時四天王躬身自下四布案行天下觀

視百姓寧有孝順父母沙門道人敬長老齋戒布施信今世後世者不多有不能者卽時四天王入善等正天中白天帝釋言世間多有不孝父母沙門道人多不敬長老齋戒布施不信今世後世者天帝釋聞已言我爲聞惡坐其不作善故減損諸天增益阿須倫種作善多者四天王入善等正天中具白天帝釋及諸忉利天人忉利天帝釋則大歡喜言我今以聞善語用世間人作善多故增益諸天減損阿須倫是爲月十五日齋時是爲十五日三齋佛告比丘言若有異道人問言一切男子女人初生時有隨後護之

不若異道人問是者汝曹當報言街巷市里一切屠殺處冢間皆有非人無空缺處其人非人名隨報郡國縣邑丘聚名如江河山川所有名非人亦作是名如人所作名護非人亦作是名其有樹高七尺圍一尺者上悉有神其有人於是人間身行惡口言惡心念惡作十惡者十人百人一神護之譬如百羣牛羊若干牛羊羣一人牧護之佛言如是其有人身行惡口言惡心意念惡者百人千人有一神護耳其有人於此人間身行善口言善心念善奉十善事者是法人正見不轉人等一人常有百若干非人護之譬如

王若大臣一人常有百若干在傍護之佛言如是其有人身口意行善奉十善事者是尊是法正見之人等一人常有百若干非人在後護之是謂爲男子女人常有非人護之有三事閻浮利天下人勝俱耶尼天下人何等爲三一者意勇猛在因緣地二者此間人意勇猛修梵行三者此間人意勇猛趣佛是爲三有三事俱耶尼天下人勝閻浮利天下人何等爲三牛羊珠玉多是爲三勝閻浮利天下人閻浮利天下人有三事勝弗于逮天下人何等爲三一者此間人意勇猛在因緣地二者此間人勇猛意修梵行三者

此間人有勇猛意趣佛是爲三弗于逮天下有三事勝閻浮利天下何等爲三一者其地極廣二者其地極大三者其處極富是爲三勝閻浮利天下人閻浮利天下人有三事勝鬱單越天下人何等爲三一者意勇猛在住二者意勇猛修梵行三者有勇猛意趣佛是爲三鬱單越天下人有三事勝閻浮利天下人何等爲三一者無所繫屬二者不畜奴婢婦子三者壽千歲無所缺減是爲三閻浮利天下人有三事勝阿須倫何等爲三一者意勇猛在住二者意精進修梵行三者有勇猛意趣佛是爲三諸阿須倫有三事

789
10 123456789 20 123456789 30 123456789

勝闇浮利人何等爲三一者壽命長二者得久在三者多安隱是爲三閻浮利人有三事勝四天王天上人何等爲三一者意勇猛在住二者意勇猛修梵行三者有勇猛意趣佛是爲三四天王天上人有三事勝闇浮利天下人何等爲三一者長壽二者得久在三者多安隱是爲三閻浮利人有三事勝忉利天人談摩天兜率天無貢高天他化自轉天何等爲三一者意勇猛在住二者意勇猛修梵行三者有勇猛意趣佛是爲三忉利天談摩天兜率天尼摩羅天婆羅尼蜜和耶起致天有三事勝闇浮利人何等爲三一

者壽命長二者得久在三者多安隱是爲三欲界人有十二種何等爲十二一者泥犁二者禽獸三者薜荔四者世間人五者阿須倫六者四天王天七者忉利天八者談摩天九者兜率天十者無貢高天十一者他化自轉天十二者魔天是爲十二種人爲欲界色行天有十八何等爲十八一者梵迦夷天梵不數樓天梵波利沙天大梵天阿維比天波利答天阿波羅那天波利多首天阿波羅天摩首天阿波波羅天維阿天波利多維天阿波摩維阿天維呵天維阿鉢天阿答和天善見天善見尼天阿迦尼吒天是爲十

八色行天無色行天有四何等爲四一者虛空智天
二者識智天三者阿竭然天四者無思想亦有思想
天是爲四無色天佛告諸比丘言昔者持地大天神
發起是惡見言但有地無有水亦無有火無有風佛
言我爾時往至持地大神所告持地大神言汝爲實
發起是惡見言地無有水火風不神言唯然世尊佛
言大神莫說地無水火風所以者何地有水火風地
里數最深佛言我能知持地大神發起惡見我便以
法勸助令意開解歡喜卽立遠塵離垢諸法眼生譬
如白繪淨好持著染中則受染色好佛言如是持地

大神立遠塵離垢諸法法眼生爾時持地大神現在
得法行斷狐疑白佛言我從今已往盡形壽歸命佛
歸命法歸命比丘僧受持優婆夷戒常有慈心於人
及蜎蟺蠕動之類也佛告比丘昔者持水大神發是
惡見言但有水無有地亦無火風我爾時往至持水
大神所問持水大神言汝實爲發起惡見言但有水
無有地火風耶神言唯然世尊佛言大神莫得說是
語所以者何有水亦有火地風但水里數大深水神
卽棄捐惡見我但以法勸助令意開解歡喜卽立遠
塵離垢諸法法眼生譬如白繪淨好持著染中便受

好色持水大神亦如是現在得法行無有狐疑卽白
佛言我從今已往盡形壽歸命佛歸命法歸命比丘
僧受戒常慈心於人及蜎蟻蠕動之類佛告比丘昔
者持火大神發是惡見言從火無有地水風我爾時
往至持火大神所問言汝實爲發是惡見言從火無
地水風不火神言唯然世尊佛言火神莫得說是語
所以者何有火亦有地水風爾時持火大神卽棄捐
惡見我便以法勸助令意開解歡喜卽立遠塵離垢
諸法法眼生譬如白繪淨好持著染中卽受好色持
火大神亦如是現在得法行無有狐疑白佛言我從

今以後盡形壽歸命佛歸命法歸命比丘僧受持戒
作優婆夷常有慈心於人及蜎蟻蠕動之類佛告比
丘昔者持風大神發是惡見言從風無地水火我爾
時往至持風大神所問之言汝實發是惡見言從風
無地水火耶風神言世尊唯然佛言莫得說是語所
以者何有風亦有地水火者風里數大深爾時持風
大神便棄捐惡見佛言我以法勸助令意開解歡喜
卽立遠塵離垢諸法法眼生譬如白繪淨好著染中
卽受好色持風大神亦如是現在得法行無有狐疑便
白佛言我從今已往盡形壽歸命佛歸命法歸命比

丘僧受戒作優婆塞常有慈心於人及蜎蠕動之類佛告比丘言云何有四色何等爲四一者有青色二者有赤色三者有黃白色四者有黑色其有青色雲者中有水界大多其有赤色雲者中有火界大多其有黃白色雲者中有地界大多其有黑色雲者中有風界大多雷電有四品何等爲四一者東方電名百主二者南方電名身味三者西方電名阿竭羅四者北方電名阿祝藍何以故於虛空有電出聲有時身味電與阿祝藍合諍闡用是故虛空中出聲或身味電與百主電共諍闡是故雲中出聲有時祝藍電

與身味電共諍闡時是故虛空中出聲何以故虛空雲中出聲有時地種與水種共諍闡地種與火種共諍闡地種與風種共諍闡譬如山山相搏却住佛言如是地種與水火風種共諍闡是故虛空中出聲此事却雨復有五事天雨何等爲五一者於是天雲起雷出電現應人謂當天雨有時風種大起吹至遠山間墾澤處雨是爲一事失雨復次天雲起雷出電現應人謂當天雨有時火種起焦燒雨水是爲二事失雨復次天雲起雷出電現應人謂當雨有時阿須倫王便兩手取雨水著大海中是爲三事失雨復次天

雲起雷出電現應人謂當雨時雨師及姪亂是故天
雨不數時節是爲四事失雨復次國君行非法奉癡
法多瞋恚惡天雨不時節是爲五事失雨

佛說樓炭經卷第四

音釋

憤

古對切

側革覆

銖

懦朱切重

銖

切乾糧

鉢

切尺少

懶

心亂也

誓巾也

鉢

切乾糧

鉢

切尺少

也

麁去呂

子皓

鉢

切乾糧

鉢

切尺少

切

麥粥也

子皓

鉢

切乾糧

鉢

切尺少

萬

曆庚戌歲冬十月徑山寂照庵識

鉢

切乾糧

鉢

切尺少

動

也

康很切

鉢

切乾糧

鉢

切尺少

懶

也

子皓

鉢

切乾糧

鉢

切尺少

佛說樓炭經卷第五

西晉三藏法師法立共法炬譯

戰鬪品第十

佛告比丘昔者諸天欲與阿須倫共戰鬪諸天便在一
面住舍營時天帝釋告忉利諸天言若使我諸天
得勝阿須倫壞者當以五繫縛維摩質阿須倫天帝
釋敕諸樂天等忉利天人卽受天帝釋教爾時維摩
質阿須倫亦復告諸阿須倫言若使諸阿須倫得勝
諸天壞者便當取帝釋以五繫縛之諸阿須倫受教
爾時諸天與阿須倫共戰鬪諸天便得勝忉利諸天

便取維摩質阿須倫以五繫縛將至善等天等以現天帝釋若維摩質阿須倫念言我樂在此天上者便自見五繫縛已解自然天五樂在前若維摩質阿須倫自念欲還便自還五繫縛失天五樂佛語比丘阿須倫所被繫縛如是魔所繫縛復劇是若念爲魔所縛不念爲魔所解有我念有吾有我爲著無有我是亦爲著有色是亦爲著無有色是亦爲著亦不有色亦不無色是亦爲著有想者是亦爲著無想是亦爲著亦不有想亦不無想是亦爲著是爲著疾病是爲著瘡是爲著病賢者弟子聞是著病著瘡著痛樂無

所著行是我者是爲著是爲不專壹爲亂是爲展轉有我是爲著無有我是亦爲著有色是爲著無色是爲著亦不有色亦不無色是亦爲著有想是爲著無想是亦爲著亦不有想亦不無想是亦爲著著病瘡痛賢者弟子聞是著病瘡痛便樂無所著行佛告比丘昔者阿須倫與天戰鬪釋提桓因告忉利諸天若諸天得勝便當五繫縛維摩質阿須倫諸天卽受教爾時維摩質便復告諸阿須倫若我曹得勝者便當共取天帝釋五繫縛之便共戰鬪諸天便得勝則取維摩質阿須倫五繫縛之將至善等天等以現天帝

釋維摩質阿須倫行來善等天等所見者便罵詈惡言

口爾時侍者於天帝釋前便說偈言

天帝釋爲恐耶 無有力而寂寞

目前聞維摩質 口所出麤惡語

爾時天帝釋報侍者說偈言

我不用恐故寂 力不少於維摩

云何人智慧者 寧當與愚癡諍

爾時侍者於天帝釋前說偈言

若愚癡來鬪時 不當復忍此事

於彼當以檣杖 便捶繫是愚癡

爾時天帝釋報侍者說偈言

我已爲了知是 不當與愚癡語

若愚者有瞋恚 智慧者不欲諍

爾時侍者於天帝釋前說偈言

當知是如是寂 天帝釋當見因

用愚癡謂智爲 以恐畏故寂寞

其愚癡自謂爲 用恐畏故默聲

用是故復來鬪 王恐捨如牛走

爾時釋提桓因報侍者說偈言

念來燒輕易我 謂爲恐故默然

身之利第一義 無有與忍辱等

其是者弊惡人 若有起瞋恚意

不當發瞋恚向 瞰恚者便共諍

爾時釋提桓因復報侍者說偈言

所作有二因緣 爲身故及他人

若有起諍鬭者 智慧者不與鬭

若有作是二事 爲已身及他人

人謂是爲愚癡 用不解於法故

無力者謂有力 其有力癡強者

行法者其筋力 無有能降伏者

其有是筋力者 於劣人其寂寞

我知忍爲最上 淚忍辱於劣人

佛告比丘欲知爾時天帝釋是我身我忍辱如是我今亦復忍辱佛語比丘昔者阿須倫與諸天共聞得勝諸天卽壞天帝釋便坐千疋馬車恐走還見跋波大樹上有鳥語巢中有二卵便自說偈言

語御者鳥跋波 遊車馬當避去

寧阿須破壞我 莫令壞是兩卵

御者卽受天帝釋敎迴千疋馬車避去諸阿須倫見天帝釋千疋馬車迴還便言欲來與我戰鬭以阿須

倫卽恐怖忙走天卽得勝佛告比丘欲知爾時天帝釋不則我身是我爾時以慈念一切人民及蜎飛蠕動之類亦如是佛告比丘昔者諸天與阿須倫共戰鬪諸天得勝阿須倫壞爾時天帝釋甚歡喜還造起大講堂名爲勝何以故名爲勝勝諸阿須倫故作百重欄楯一一欄楯間各作七百交露一一交露中有七百玉女一一玉女有七百侍者爾時天帝釋不復憂諸玉女衣被飲食各如前世所行自然爲生起講堂千世界中講堂無有與天帝釋講堂等者時阿須倫王念言我威神力尊乃如是諸日月及忉利天於

我上虛空中往還我欲取日月之光明著耳中行至十方念是已便瞋恚無所復避爾時阿須倫王念維摩質阿須倫卽知之便著種種具莊嚴種種兵仗騎乘無央數阿須倫百千俱往至阿須倫王所在前住爾時阿須倫王復念舍摩利阿須倫舍摩利阿須倫卽復知之便著種種具莊取兵仗騎乘與無央數百千阿須倫往至阿須倫王所在前住爾時阿須倫王復念滿由阿須倫祇羅阿須倫卽知之便著種種具莊取兵仗與無央數百千阿須倫俱往至阿須倫王所在前住爾時阿須倫王自著種種

具莊取兵仗騎乘與無央數百千阿須倫俱圍遼從城出往欲與忉利天共戰鬪爾時難頭和難龍王以身遼須彌山七市而震動須彌山以尾搏扇大海其水跳上至須彌山邊三百三十六萬里忉利天卽知阿須倫欲來與天共戰鬪爾時海中諸龍著種種具莊取兵仗騎乘皆往逆諸阿須倫共鬪若鬪得勝者逐諸阿須倫入其城郭若諸龍壞不能勝者便往至拘蹄鬼神所語諸拘蹄鬼神言諸阿須倫欲與諸天共戰鬪共去逆鬪來拘蹄諸鬼神聞諸龍語便著種種衣被具莊取兵仗騎乘共往逆阿須倫便戰鬪若

能勝者逐阿須倫入其城郭不能勝者卽往至持華鬼神所語諸持華鬼神言阿須倫欲與天共戰鬪當俱往逆逐之持華鬼神從龍及拘蹄鬼神聞是語便著種種具莊取兵仗騎乘共往逆與阿須倫共戰若得勝者便逐入其城郭若不能勝者便往至蔡陀末鬼神所語蔡陀末鬼神言諸阿須倫欲與諸天共戰鬪當共往逆逐之蔡陀末鬼神聞之便著具莊取兵仗騎乘共往逆阿須倫共戰鬪若得勝者卽逐阿須倫至其城郭不能勝者便往至四天王天上語四天王言諸阿須倫欲與天戰鬪當共往逆戰鬪逐之諸

88901234567890201234567890301234567890

天聞之爾時毗沙門大天王念提頭頰吒天王提頭
頰吒天王卽知之便著種種具莊取兵仗騎乘與無
央數提陀羅百千俱前後圍遶往至毗沙門大天王
所在前住爾時毗沙門天王復念毗留勒又毗留勒
又天王卽知之便著種種具莊取兵仗騎乘毗留勒
又天王與無央數諸天人與無央數百千兵俱毗留
搏叉天王與無央數諸龍百千俱前後圍遶往至毗
沙門大天王所在前住爾時毗沙門天王著種種具
莊取兵仗騎乘與無央數百千諸鬼神俱圍遶及諸
天王往與諸阿須倫共戰鬪若能得勝者便逐諸阿

須倫至其城郭不得勝者卽往至善等天等自天帝
釋及諸忉利諸天言諸阿須倫欲與諸天戰鬪當共
往逆鬪逐之爾時天帝釋告諸天言往至須彌摩天
子所兜術天子所尼摩羅天子所波羅尼蜜天子所
言阿須倫欲與諸天共戰當共逆鬪逐之波羅摩天
子所言諸阿須倫欲與諸天共戰當共往鬪卽受天
帝釋教往語上四天如是便各各著種種具莊取兵
仗騎乘來下天與無央數天人饒摩天往住須彌山
東脅護忉利天故兜術天人往與無央數天人在須
彌山南脅住護忉利天故尼摩羅天子與無央數諸

天住須彌山西脅護忉利天故波羅尼蜜天子與無
央數諸天王住須彌山北脅護忉利天故爾時天帝
釋念惟縵諸鬼神鬼神卽知之便著種種具莊取兵
仗騎乘往至天帝釋所在前住爾時天帝釋念善住
象王善住象王卽知之便著種種具莊取兵仗騎乘
往至天帝釋所在前住爾時天帝釋復念諸天王諸
天王卽知之便著種種具莊取兵仗騎乘往至天帝釋
所在前住爾時天帝釋復念忉利諸天忉利諸天卽
時知之便著種種具莊取兵仗騎乘往至天帝釋所
在前住爾時天帝釋自著種種具莊取兵仗騎乘坐

善住象王頂上與無央數百千諸天前後圍遶出天
宮往至諸阿須倫所共戰鬪刀刃矛箭弓弩以刺傷
諸阿須倫身毒痛不可言以因緣故亦不死諸阿須
倫亦如是用七寶刀刃矛箭弓弩以刺傷諸天身毒
痛不可言以因緣故亦不死欲行天亦如是與諸阿
須倫戰鬪用欲故欲藏故欲因緣故乃如是

三小劫品第十一

佛告比丘有三小劫何等爲三一者刀劍劫二者穀
貴劫三者病疫劫是爲三小劫刀劍劫者云何刀劍
劫時人多非法愚癡邪見行十惡事用人行是惡事

故諸所有美味酥麻油蜜石蜜諸所有皆滅諸有好衣錦罽皆滅盡是天下地山林谿谷崖岸自然生諸珠瑠璃水精諸寶皆沒地中但有棘崖刀劍劫時人民而不孝順父母不承事沙門道人不敬尊長其惡名遍流行佛言譬如今世人孝順父母敬事沙門道人承用長老言其善名聞流布如是刀劍劫時人民不孝順父母不承事道人沙門不敬長老惡名聞流布刀劍劫時都無有善何況有行善者耶刀劍劫時是天下人無有相賈貸者諸大樹木皆墮地但有溝坑高卑不平有水蕩波處崩岸河水深在底人民少

但懷恐怖衣毛爲豎刀劍劫時人民相見但欲相賊害譬如野澤之中獵者見麋鹿欲害殺之如是刀劍劫時人民相見但欲相賊害手所捉取草木瓦石皆化爲刀劍展轉相殺爾時人壽十歲時中有黠者智慧走入山林谿谷深河岸中藏匿言無有能殺我者我亦不殺人便在彼食果蓏樹根刀劍劫時相殺七日乃休爾時人民死者墮泥犁中所以者何彼刀劍劫時人各各懷毒意相念惡無善意而死刀劍劫時人如是也佛語比丘穀貴劫時云何穀貴劫中時人民多非法愚癡邪見妬嫉慳貪守財不肯布施用是

故天雨不爲時節用天雨不時節故人民所耕種枯死不生但有枯莖用是故穀貴人收掃畦中落穀裁自活命穀貴劫時如是也復次穀貴劫時人行掃街市里均穀以自給活復次穀貴劫時樹葉落入地人已鑿地取樹葉煮食之穀貴劫時人民困厄如是也穀貴劫時饑餓死者多歲骸骨解散在地人皆饑餓收取市里街道骸骨煮用食之人民饑餓乃如是也穀貴劫時人死者墮餓鬼中所以者何穀貴劫時人民相嫉妒慳貪是爲穀貴劫也佛語比丘疾病劫時云何疾病劫時人民奉行經戒正見離邪見行十善

事用是故爾時他方世界諸鬼神來燒是諸人搥捶諸人撓亂其意此間鬼神姪亂是故他方鬼神得便來燒諸人搥捶撓亂其意譬如王者若大臣勑兵使守護城門此諸兵姪亂若他國有強賊來抄掠此郡國縣邑如是疾病劫時人民奉行經戒正見離邪見奉十善事他方鬼神來觸燒人搥捶撓亂其意疾病劫時人死者皆生天上所以者何疾病劫時人展轉相勞問言云何爲安隱不爲差未是爲疾病劫時是爲三小劫也

災變品第十二

佛語比丘天地有三災變何等爲三一者火災變二
者水災變三者風災變是爲三災變災變時人會三
處何等爲三遭火災變時人悉上第十五阿衛貨羅
天上聚會衆多遭水災變時人悉上第十九首皮斤
天上聚會衆多遭風災變時人悉上第二十三維呵
鉢天上聚會衆多遭火災變時天下人皆行非法邪
見不正見犯十惡事用人民皆行非法奉邪見不見
正行行十惡故天雨不時節天不雨以後是天下所
有樹木草藥萬物皆枯死不復生佛告比丘言是爲
非常無堅固不得久是爲老極故當創猷至令一切

廢自求解脫矣後久久不可計大亂風起入大海三百三十六萬里取日大城郭上須彌山邊百六十八
萬里著本日道中用是故世間有兩日出兩日出之後諸渠小河水皆枯竭無有水佛言是爲非常無堅
固不得久是爲老極故當創猷至得解脫自然之道後時久久不可復計大亂風起吹彼大海水波三百
三十六萬里入取日大城郭上須彌山王邊百六十
八萬里著日城郭道中用是故世間有三日出諸有
大河江流邪遠阿夷越摩醯和又信他流江水皆枯
盡無有餘也佛語比丘非常無堅固乃如是是爲老

極故當創猷遠之至得解脫自然之道矣後復久久不可計有大亂風起吹海水波三百三十六萬里入取日大城郭出上須彌山王邊百六十八萬里著日道中用是故世間有四日出諸流泉大泉及阿耨達池紅蓮華池青蓮華池白蓮華池黃蓮華池摩那衍大池那利大池皆枯盡無餘也佛語比丘非常無堅固乃如是不可得久是爲老極故當創猷遠之至得解脫自然之道矣後復久久不可計大亂風起吹大海水波三百三十六萬里入取日大城郭上須彌山王邊百六十八萬里著日道中用是故世間有五日

出大海水稍減四千里八千里萬二千里至減二萬八千里佛語比丘非常無堅固乃如是不可得久是爲老極故當創猷遠之至得解脫自然之道矣五日出時焦大海水至餘有二萬八千里萬八千里萬四千里八千里四千里有時海水稍減餘有七樹六樹五樹四樹三樹二樹一樹後稍減餘有七八六人五人四人三人二人至一人海水餘有沒一人後稍減至人腰稍至人膝後餘有少許水譬喻天雨牛蹄中水後稍久久大海水皆枯盡不能濕人指譬喻脂膏之汁著大火中卽無烟矣佛語比丘非常無堅固乃

如是故當創猷遠之至得解脫自然之道矣後復甚
久久不可計大亂風吹大海水波三百三十六萬里
入取日大城郭上須彌山王邊百六十八萬里著日
道中用是故世間有六日出四大天下及八萬城大
山及須彌山王皆燒炙出烟譬如大陶家初然火出
烟狀佛語比丘如是世間有六日出時燒炙四大天
下及八萬城諸大山須彌山王皆烟出譬如脂膏濕
著大火中卽焦無烟矣佛語比丘非常無堅固故當
創猷求索解脫得自然之道矣後復甚久久有大亂
風起吹大海水波三百三十六萬里入取日大城郭

出上須彌山王邊著日道中用是故世間有七日出
四天下及八萬城諸大山須彌山王皆簸峩動搖譬
如大鼎鑊熾其火鑊沸漏躍七日出時如是也四天
王忉利天談摩天兜術天尼摩羅天波羅尼密天梵
迦夷天宮皆簸峩動搖也風高諸天宮上著阿衛貨
羅天彼諸初生天子見火皆恐怖先生諸天子語初
生天子汝莫怖恐我昔更見燒時火齊此不過爾時
四大天下及八萬城諸大山及須彌山皆簸峩動搖
須彌山王四千里一崩墮八千里萬二千里萬六千
里二萬里二萬四千里二萬八千里而崩墮譬如脂

889 10 12 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

膏濕著大火中卽無烟亦無餘矣佛語比丘所有非常無堅固乃如是是爲老極故當創猷遠之至得解脫自然之道誰當信世間有七日出時獨有見者信王燒出烟獨有見者信之耳誰當信四大天下及八萬城諸大山及須彌山王簸峩動搖及四天王忉利天燄摩天兜術天無貢高天他化自轉天梵迦夷天皆簸峩動搖風舉諸天宮上十五阿衛貨羅天者獨有見者信之耳誰當信須彌山王盡破壞無復有焦山土處諸泥犁一切皆破壞滅盡已後畜生禽獸

皆復滅盡已然後餓鬼皆復滅盡已後阿須倫皆復滅盡已後人皆死盡及四天王忉利天燄摩天兜術天無貢高天他化自轉天梵迦夷天人皆滅盡是謂天地燒之人皆會一處然後甚大久久有大雲起放大雨其滴大如車軸滿諸江海稍稍積聚水上至梵迦夷天復至第十五光明聲天上其水四面有風制持之第一風名住風二者助風三者不轉風四者堅風是爲四後久久大復久數千萬歲水稍稍耗減無央數百千逾旬有風名僧竭周而四面起吹水稍稍減其上波起生厚沫化作七寶交露如是持上至第

七天上造作宮殿後久久數千萬歲水稍稍耗減數百逾旬數百千逾旬亂風從四面起吹撓水上生厚沫化爲七寶金銀瑠璃水精碑礎瑪瑙赤真珠成爲交露金風持造作第六波羅尼和耶越天人所居處後久久甚遠數千萬歲水稍稍耗減亂風名蔡竭從四面來吹水上波起生厚沫化爲七寶金銀瑠璃水精赤真珠碑礎瑪瑙成爲交露念亂風持上第五天上造作天人宮殿竟後久久數千萬歲水下遂耗減亂風從四面來吹水上波起生厚沫化爲七寶持上造作第四兜術天上第三燄摩天作宮殿後復久久

數千萬歲水下稍稍耗減數千萬逾旬亂風從四面來吹水上波起生厚沫化爲四寶一者黃金二者白銀三者瑠璃四者水精亂風持以於世間天中央造作須彌山王高三百三十六萬里縱廣三百三十六萬里其東脅天白銀南脅天青瑠璃西脅天水精北脅天黃金後復久久數千萬歲水下遂稍稍耗減數千萬逾旬亂風從四面來吹撓其水上生厚沫化爲七寶金銀瑠璃水精赤真珠碑礎瑪瑙成交露亂風持上須彌山王上造作第二忉利天宮殿竟後復久久數千萬歲水下稍稍耗減數千萬逾旬亂風從四

8 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

面來吹撓其水上波起生厚沫化爲七寶成交露亂風持上須彌山王百六十八萬里中半造作第一天上入宮殿竟後復久久數千萬歲水下稍稍耗減亂風從四面來吹撓其水上波起生厚沫化爲金剛亂風於四大天下及八萬城外造作山高六百八十萬逾旬凡合外四帀名大鐵圍山復後久久數千萬歲水下稍稍耗減亂風從四面來吹撓其水上波起生厚沫化爲金剛亂風復取於四大天下及八萬城外周市四合復造作第二大山其山高六百八十萬逾旬其後水下稍稍耗減數千萬里亂風從四面來吹

撓其水上波起生厚沫化爲七寶金銀瑠璃水精亦真珠碑礪瑪瑙圍邊造作八重山高百六十八萬里名阿多利甚姝好其水下遂稍稍減數千萬里亂風從四面來吹撓其水上波起生厚沫化爲七寶持著阿多利山周市造作第二山名伊沙多高百三十四萬里甚姝好第三山名逾安多高四十八萬里廣亦四十八萬里第四山名善見高二十四萬里廣亦二十四萬里第五寶山名阿波尼高十二萬里廣亦十二萬里第六寶山名尼彌多羅高四萬四千里廣亦四萬四千里第七寶山名維那兜高二萬二千里廣亦

89
10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

亦二萬二千里第八寶山名邇加和高萬二千里廣
亦萬二千里後水稍稍減亂風四面來吹其水上生
厚沫化爲厚土因成地深六百八十萬逾旬其邊不
可限亂風大起吹掘損其地大深三百三十六萬里
長亦三百三十六萬里天下諸水皆流歸之正滿因
成大海海水何故鹹鹹一味有三事一者海中有大
魚身長四千里者八千里者萬二千里者萬六千里
者二萬里者二萬四千里者二萬八千里者三萬三
千里者皆漬溺海中故海水鹹二者雲起覆諸海放
大雨其雲上至阿迦尼吒天放雨大如車軸洗盪須

彌陀旃諸天宮阿答和天阿比波天首皮斤天惟呵
鉢天阿波波天梵迦夷天下至四天王其鹹水悉流
入大海故海水鹹一味復次昔者得仙道人能呪呪
使海水鹹一味故海水鹹一味是爲三事佛言天地
共遭水災變時天下人施行皆爲衆善好喜爲道德
死後精神冤魄皆上第十六天上爲天人阿須倫天人
有舍血喘息蠕動之類皆死歸人形復爲衆善之行
喜爲道德死皆上第十六天上爲天人阿須倫天人
及第一天上人以上至第十五天上人皆終亡其精
神冤魄來下贍人形施行積爲衆善好喜爲道德死

89
10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

皆復上第十一大天上爲天人然後天下人乃盡久久大雲復起上行至故第十五天上其雲下大沸灰雨其滴大如車軸天雨沸灰如是久久數百千萬歲諸四天下八萬城諸大山及須彌山從第十五天上以下至四天下皆糜爛消滅盡無餘譬如脂膏之汁置大火中卽無烟炎矣誰當信此言者獨有得自然之道者乃信之耳此所謂天地遭水災變時破壞終亡之要天地終亡破壞後得更始生之法如遭水災變時更生同法始從第十五天上起成下至第一天上及阿須倫天及造作四大天下及八萬城諸大山及

須彌山日月星宿乃見下及天下諸有萬物至造竟鐵圓大山此所謂天地遭水災變時破壞終亡後更始根本要也佛言天地共遭大風災變時天下人施行又住平善慈仁常孝順皆喜好爲道德死精神皆上第十七天上爲天人泥犁中人及諸有舍血喘息蠕動之類皆死歸人形皆復爲衆善之行皆喜好爲道德死精神冤魄皆上第十七天上爲天人阿須倫天人及第一天上以上至第十六天上人皆終亡精神冤魄來下歸人形施行積爲善喜好爲道德皆復上第十七天上爲天人然後天下人乃盡索後久久

789101234567892012345678930123456

大風起名曰森柯沙上行至故第十六天上悉壞敗
破散消滅上悉盡之無餘聲無響久久如是大風吹
盡第十六天上人本所居處了盡下至阿須倫天無
餘譬如大風吹微麪隨漂消散微盡誰當信此言者
獨有得自然之道信者乃知耳大風復吹破壞消滅
悉盡天下日月所照中萬物四天下及八萬城諸大
山及須彌山盡竟鐵圍大山皆糜消滅亡悉盡索無
復餘譬如大風吹微麪隨漂消散微盡無餘矣天地
共遭大風災變時竟一劫後復更始生之法復如遭
火災變後復更始生一劫乃成竟此所謂天地共遭



7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

